

十八家詩鈔

十八家詩鈔卷九目錄

韓昌黎五古百四十一首

南山詩

謝自然詩

秋懷詩十一首

赴江陵途中寄贈王二十補闕李十一拾遺李二十六員

外翰林三學士

暮行河隄上

夜歌

重雲一首李觀疾贈之

江漢一首答孟郊

長安交遊者一首贈孟郊

岐山下二首

北極一首贈李觀

此日足可惜一首贈張籍

幽懷

君子法天運

落葉送陳羽

歸彭城

醉後

醉贈張祕書

同冠峽

送惠師

送靈師

縣齋有懷

合江亭

陪杜侍御遊湘西兩寺獨宿有題一首因獻楊常侍

岳陽樓別竇司直

送文暢師北遊

答張徹

薦士

喜侯喜至贈張籍張徹

驚驥

出門

烽火

齟齬

洞庭湖阻風贈張十一署

青青水中蒲三首

孟東野失子

縣齋讀書

新竹

晚菊

落齒

哭楊兵部凝陸歙州參

苦寒

崔十六少府攝伊陽以詩及書見投因酬三十韻

送侯參謀赴河中幕

東都遇春

酬裴十六功曹巡府西驛塗中見寄

燕河南府秀才

送李翱

送石處士赴河陽幕

送湖南李正字歸

辛卯年雪

招揚之罟

送無本師歸范陽

雙鳥詩

題炭谷湫祠堂

送陸暢歸江南

送進士劉師服東歸

嘲魯連子

贈張籍

調張籍

寄皇甫湜

病中贈張十八

雜詩

寄崔二十六立之

孟生詩

將歸贈孟東野房蜀客

答孟郊



從仕

送劉師服

符讀書城南

示爽

人日城南登高

病鵑

讀皇甫湜公安園池詩書其後

路傍堠

食曲河驛

過南陽

龍吏

贈別元十八協律六首

初南食貽元十八協律

宿曾江口示姪孫湘二首

答柳柳州食蝦蟆

別趙子

除官赴闕至江州寄鄂岳李大夫

南山有高樹行贈李宗閔

猛虎行

山南鄭相公樊員外酬答爲詩其末咸有見及語樊封以

示愈依賦十四韻以獻

奉和武相公鎮蜀時詠使宅韋太尉所養孔雀  
感春三首

早赴街西行香贈盧李二中舍人

晚寄張十八助教周郎博士

題張十八所居

奉和錢七兄曹長盆池所植

南內朝賀歸呈同官

朝歸

雜詩四首

讀東方朔雜事

譴癡鬼

示兒

庭楸

翫月喜張十八員外以王六祕書至

和李相公攝事南郊覽物興懷呈一二知舊

和裴僕射相公假山十一韻

與張十八同效阮步兵一日復一夕

送諸葛覺往隨州讀書

南溪始泛三首

城南聯句

會合聯句

鬪雞聯句

納涼聯句

秋雨聯句

征蜀聯句

同宿聯句

雨中寄孟刑部幾道聯句

遠遊聯句

晚秋郾城夜會聯句

十八家詩鈔卷九

湘鄉曾國藩纂

合肥李鴻章審訂

東湖王定安校

韓昌黎五古百四十二首

南山詩

吾聞京城南茲維羣山圍東西兩際海巨細難悉究山經及地  
志茫昧非受援團辭試提挈挂一念萬漏欲休諒不能斲敘所  
經觀驚昇崇邱望戢戢見相湊晴明出稜角縷脈碎分繡蒸嵐  
相瀕洞表裏忽通透無風自飄簸融液煦柔茂橫雲時平凝點  
點露數岫天空浮修眉濃綠畫新就孤撐有巉絕海浴褰鵬噏  
舊注已上敘南山大概春陽潛沮洳濯濯吐深秀巖巒雖羣萃輒弱類含

耐夏炎百木盛陰鬱增埋覆神靈日歔歔雲氣爭結構秋霜嘉

刻礫礫卓立癯瘦參差相疊重剛耿陵宇宙冬行雖幽墨冰雪

工琢鏤新曦照危峨億丈恆高袤明昏無停態頃刻異狀候舊注

已上敘四時變態西南雄太白突起莫閒遙藩都配德運分宅占丁戊

迢遙越坤位詆訐陷乾竇空虛寒兢兢風氣較搜漱朱維方燒

日陰霞縱騰糅昆明大池北去覲偶晴晝縣聯窮俯視倒側困

清漚微瀾動水面踊躍躁猱狖驚呼惜破碎仰喜呀不仆舊注

言南山方隅連互之所國藩按清漚爲微瀾所破碎故係狖躁而驚呼呀而不仆此述昆明池所見也前尋徑杜

壘坐蔽畢原陋崎嶇上軒昂始得觀覽富行行將遂窮嶺陸煩

互走勃然思圻裂擁掩難恕宥巨靈與夸蛾遠賈期必售還疑

造物意固護蓄精祐力雖能排幹雷電怯呵詭攀緣脫手足躑

躑抵積蝨茫如試矯首壅塞生怕愁威容喪蕭爽近新迷遠舊

拘官計日月欲進不可又惡羣衆之擁塞思得如巨靈夸娥者

不能剪遂有攀援踰躑之困因緣窺其湫凝湛閼陰音魚蝦可俯掇神物

安敢寇林柯有脫葉欲墮鳥驚救爭銜彎環飛投棄急哺穀旋

歸道迴睨達枿壯復奏吁嗟信奇怪時質能化質前年遭譴謫

探歷得邂逅初從藍田入顧眎勞頸脰時天晦大雪淚目苦矇

眊峻塗拖長冰直上若懸溜褰衣步推馬顛蹶退且復蒼黃忘

遐睎所矚纔左右杉篁陀蒲蘇杲耀攢介冑專心憶平道脫險

遯避臭昨來逢清霽宿願忻始副崢嶸躋冢頂倏閃雜鼃鼃前



低割開闊爛漫堆眾皺或連若相從或蹙若相鬬或妥若弭伏  
或竦若驚雉或散若瓦解或赴若輻輳或翩若船遊或決若馬  
驟或背若相惡或向若相佑或亂若抽筍或嶮若注灸或錯若  
繪畫或繚若篆籀或羅若星離或翳若雲逗或浮若波濤或碎  
若鋤耨或如賁育倫賭勝勇前購先彊勢已出後鈍瞋誼譟或  
如帝王尊叢集朝賤幼雖親不褻狎雖遠不悖謬或如臨食案  
肴核紛飭餽又如遊九原墳墓包槨柩或纍若盆盎或揭若甌  
豆或覆若曝鼈或頽若寢獸或蜿若藏龍或翼若搏鸞或齊若  
友朋或隨若先後或逛若流落或顧若宿留或戾若仇讐或密  
若婚媾或儼若峨冠或翻若舞袖或屹若戰陣或圍若蒐狩或

靡然東注或偃然北首或如火熺熺或若氣饋饋或行而不輟  
或遠而不收或斜而不倚或弛而不繫或赤若禿鬚或燠若柴  
橛或如龜坼兆或若卦分繇或前橫若剝或後斷若妬延離  
又屬史史叛還遘喁喁魚闐萍落落月經宿闇闇樹牆垣巖巖  
架庫廐參參削劒戟煥煥銜瑩瑋敷敷花披蕤闔闔屋摧露悠  
悠舒而安元元狂以狂超超出猶奔蠢蠢駭不懋舊注已上並序其經歷所  
見之大哉立天地經紀肖營腴厥初孰開張僊僊誰勸有創茲  
樸而巧戮力忍勞疚得非施斧斤無乃假詛咒鴻荒竟無傳功  
大莫酬儻嘗聞於祠官芬苾降歆嗅斐然作歌詩惟用贊報酹

西南十句賦太白山也昆明八句賦昆明池也前尋下二十二句言從杜陵入山因羣峯之擁掩壅塞不得登絕頂而窮覽也

因緣以下十二句因觀龍湫而書所見也前年以下十二句謂  
謫陽山時曾經此山不暇窮探極覽也昨來以下至蝨蝨駭不  
燃謂此次始得窮觀變態前此遊太白遊昆明池遊杜陵遊龍  
湫本非一次即謫貶時亦嘗經過南山俱不如此次之暢心悅  
耳目

謝自然詩

果州謝真人上昇在金泉山貞元十年十一月

詔襲諡謂所部之中靈仙表異元風益振至道彌彰其  
詔今尚有石刻在焉公排釋老斥異端故詩有所不取

果州南充縣寒女謝自然童騃無所識但聞有神仙輕生學其  
術乃在金泉山繁華榮慕絕父母慈愛捐凝心感魑魅恍惚難  
具言一朝坐空室雲霧生其間如聆笙竽韻來自冥冥天白日  
變幽晦蕭蕭風景寒檐楹豎明滅五色光屬聯觀者徒傾駭躑  
躑詎敢前須臾自輕舉飄若風中煙茫茫八紘大影響無由緣

里胥上其事郡守驚且歎驅車領官吏叱俗爭相先入門無所  
見冠履同蛻蟬皆云神仙事灼灼信可傳已上敘謝自然白蜚  
輕舉事以下論神仙  
事不足信余聞古夏后象物知神茲山林民可入魍魎莫逢旃逶迤  
不復振後世恣欺謾幽明紛雜亂人鬼更相殘秦皇雖篤好漢  
武洪其源自從二主來此禍竟連連木石生怪變狐狸騁妖患  
莫能盡性命安得更長延人生處萬類知識最爲賢奈何不自  
信反欲從物遷往者不可悔孤魂抱深冤來者猶可誠余言豈  
空文人生有常理男女各有倫寒衣及飢食在紡績耕耘下以  
保子孫上以奉君親苟異於此道皆爲棄其身噫乎彼寒女永  
託異物羣感傷遂成詩昧者宜書紳

秋懷詩十一首

窗前兩好樹。眾葉光蕤蕤。秋風一披拂。策策鳴不已。微燈照空牀。夜半偏入耳。愁憂無端來。感歎成坐起。天明視顏色。與故不相似。羲和驅日月。疾急不可恃。浮生雖多塗。趨死惟一軌。胡爲浪自苦。得酒且歡喜。此首因聞脫葉秋聲而生感

白露下百草。蕭蘭共雕悴。青青四牆下。已復生滿地。寒蟬暫寂寞。蟋蟀鳴自恣。運行無窮期。稟受氣苦異。適時各得所。松柏不

必貴

此首言四時運行百物雖有早晚長短貴賤之不同要皆稟氣自然不足異也

彼時何卒卒。我志何曼曼。犀首空好飲。廉頗尙能飯。學堂日無事。驅馬適所願。茫茫出門路。欲去聊自勸。歸還閱書史。文字浩

千萬陳迹竟誰尋賤嗜非貴獻丈夫意有在女子乃多怨此首

之所嗜與時異趣雖舉世不好而無怨也

秋氣日惻惻秋空日淩淩上無枝上蜩下無盤中蠅豈不感時

節耳目去所憎清曉卷書坐南山見高稜其下澄湫水有蛟寒

可醫惜哉不得往豈謂吾無能

離離掛空悲感感抱虛警露泣秋樹高蟲弔寒夜永斂退就新

懦趨營悼前猛歸愚識夷塗汲古得修綆名浮猶有恥味薄真

自幸庶幾遺悔尤卽此是幽屏此首卽陶公今是昨非之意若新有所悟者以浮名爲恥以薄

味爲幸知道之言也

今晨不成起端坐盡日景蟲鳴室幽幽月吐窗罔罔喪懷若迷

八

五

五

五

五

方浮念劇含梗塵埃傭伺候文字浪馳騁尚須勉其頑王事有

朝請此首本思遺世高舉不復顧伺似於塵埃之中而為生事所累尚須勉勉以從王事也

秋夜不可晨秋日苦曷暗我無汲汲志何以有此憾寒雞空在

棲缺月煩屢瞰有琴具徽絃再鼓聽愈淡古聲久埋滅無由見

真濫低心逐時趨苦勉祇能暫有如乘風船一縱不可纜不如

覩文字丹鉛事點勘豈必求贏餘所要石與甌此首言本不能逐時趨因石甌

謀生之故難遽舍去與上首之指略同

卷卷落地葉隨風走前軒鳴聲若有意顛倒相追奔空堂黃昏

暮我坐默不言童子自外至吹燈當我前問我我不應饋我我

不餐退坐西壁下讀詩盡數編作者非今士相去時已千其言

有感觸使我復悽酸顧謂汝童子置書且安眠丈夫歸有念事

業無窮年此首因落葉而感觸生

霜風侵梧桐眾葉著樹乾空階一片下瑤瑤摧琅玕謂是夜氣

滅望舒實其團青冥無依倚飛轍危難安驚起出戶視倚櫺久

沈瀾憂愁費晷景日月如跳丸迷復不計遠為君駐塵鞍此首

落而疑為月實志上

固非非常之感觸也暮暗來客去羣羣各收聲悠悠偃宵寂蠶蠶抱秋明世累忽進

慮外憂遂侵誠強懷張不滿弱念缺已盈詰屈避語弄冥茫觸

心兵敗處千金棄得比寸草榮知恥足為勇晏然誰汝令此首

途嶮嶮動觸陷弄思委蛇以逐時趨而此心終以為恥不敢自

違其本志也強懷本志也弱念時趨也詰曲時趨也冥茫本志



鮮鮮霜中菊。旣晚何用好。揚揚弄芳蝶。爾生還不早。運窮兩值。遇婉變死相。保西風。蟄龍蛇。眾木日凋槁。由來命分爾。泯滅豈足道。此首有安貧知命至死不變雖乎不拔之意

赴江陵途中寄贈王二十補闕李十一拾遺李二十六員

外翰林三學士

孤臣昔放逐。血泣追愆尤。汗漫不省識。恍如乘桴浮。或自疑上疏。上疏豈其由。是年京師旱。田畝少所收。上憐民無食。征賦半已休。有司惜經費。未免煩徵求。富者旣云急。貧者固已流。傳聞閭里閒。赤子棄渠溝。持男易斗粟。掉臂莫肯酬。我時出衢路。餓

者何其稠親逢道邊死竝立久咿嗟歸舍不能食有如魚中鉤  
適會除御史誠當得言秋拜疏移閣門爲忠甯自謀上陳人疾  
苦無令絕其喉下陳畿甸內根本理宜優積雪驗豐熟幸寬待  
蠶甦天子惻然感司空歎綢繆謂言卽施設乃反遷炎州同官  
盡才俊偏善柳與劉或慮語言洩傳之落冤讐二子不宜爾將  
疑斷還不中使臨門遺頃刻不得畱病妹臥牀褥分知隔明幽  
悲啼乞就別百請不領頭弱妻抱穉子出拜忘慙羞僂俛不迴  
顧行行詣連州以上因上疏而貶連州朝爲青雲士暮作白首囚商山季  
冬月冰凍絕行輶春風洞庭浪出沒驚孤舟遼嶺到所任低顏  
奉君侯酸寒何足道隨事生瘡疣遠地觸途異吏民似猿猴生

猛多忿很辭舌紛嘲調白日屋檐下雙鳴鸛鵒有蛇類兩首

有壘羣飛游窮冬或搖扇盛夏或重裘颶起最可畏旬哮簸陵

邱雷霆助光怪氣象難比侔癘疫忽潛邁十家無一瘳猜嫌動

置毒對案輒懷愁

以上道途及通州之苦

前日遇恩赦私心喜還憂果然

又羈繫不得歸鋤耨此府雄且大騰凌盡戈矛棲棲法曹掾何

處事卑陋生平企仁義所學皆孔周早知大理官不列三后儔

何況親狂獄敲撈發姦偷懸知失事勢恐自罹置罟湘水清且

急涼風日修修胡爲首歸路旅泊尙夷猶

以上敘順宗卽位大赦公量移江陵法曹

昨者京使至嗣皇傳冕旒赫然下明詔首罪誅共毆

或作堯毆古文堯字

復聞顛天輩峨冠進鴻疇班行再肅穆璜珮鳴琅璆仁繼貞觀

烈邊封脫兜鍪三賢推侍從卓犖傾枚鄒高議參造化清文煥  
皇猷協心輔齊聖政理同毛輶小雅詠鳴鹿食苹貴呦呦遺風  
邈不嗣豈憶嘗同樹矢志早衰換前期擬蜉蝣自從齒牙缺始  
慕舌爲柔因疾鼻又塞漸能等薰蕕深思罷官去畢命依松楸  
空懷焉能果但見歲已邁殷湯閔禽獸解網祝蛛蝥雷煥掘寶  
劍冤氛銷斗牛茲道誠可尚誰能借前籌殷勤謝吾友明月非  
暗投以上憲宗卽位朝政清明  
有望於三賢之借籌援引

暮行河隄上

暮行河隄上四顧不見人衰草際黃雲感歎愁我神夜歸孤舟  
臥展轉空及晨謀計竟何就嗟嗟世與身

夜歌

靜夜有清光。閑堂仍獨息。念身幸無恨。志氣方自得。樂哉何所憂。所憂非我力。

重雲一首李觀疾贈之

天行失其度。陰氣來干陽。重雲閉白日。炎燠成寒涼。小人但咨怨。君子惟憂傷。飲食爲減少。身體豈甯康。此志誠足貴。懼非職所當。藜藿尚如此。肉食安可嘗。窮冬百草死。幽桂乃芬芳。且況天地間。大運自有常。勸君善飲食。鸞鳳本高翔。

江漢一首答孟郊

江漢雖云廣。乘舟渡無艱。流沙信難行。馬足常往還。淒風結衝

波狐裘能禦寒終宵處幽室華燭光爛爛苟能行忠信可以居夷蠻嗟余與夫子此義每所敦何爲復見贈繾綣在不諼王褒其具者易其備舟馬裘燭皆禦物之具也忠信履險之具也韓公與其徒黨固常常以自立相易矣

長安交遊者一首贈孟郊

長安交遊者貧富各有徒親朋相過時亦各有以娛陋室有文史高門有笙竽何能辨榮悴且欲分賢愚

岐山下二首

誰謂我有耳不聞鳳皇鳴謁來岐山下日暮邊鴻驚

丹穴五色羽其名爲鳳皇昔周有盛德此鳥鳴高岡和聲隨祥風窈窕相飄揚聞者亦何事但知時俗康自從公旦死千載悶

其光吾君亦勤理遲爾一來翔

北極一首贈李觀

北極有羈羽南溟有沈鱗川原浩浩隔影響兩無因風雲一朝會變化成一身誰言道里遠感激疾如神我年二十五求友昧其人哀歌西京市乃與夫子親所尙苟同趨賢愚豈異倫方爲金石姿萬世無緇磷無爲兒女態憔悴悲賤貧

此日足可惜一首贈張籍

籍字文昌吳郡人嘗爲公所薦送貞元十五年公時在徐籍往

謁公未幾辭去公惜

別故作是詩以送之

此日足可惜此酒不足嘗捨酒去相語共分一日光念昔未知子孟君自南方自矜有所得言子有文章我名屬相府

公仕董晉幕府

欲往不得行思之不可見百端在中腸維時月魄死冬日朔在  
房驅馳公事退聞子適及城命車載之至引坐於中堂開懷聽  
其說往往副所望孔邱歿已遠仁義路久荒紛紛百家起詭怪  
相披猖長老守所聞後生習爲常少知誠難得純粹古已亡譬  
彼植園木有根易爲長畱之不遣去館置城西旁歲時未云幾  
浩浩觀湖江眾夫指之笑謂我知不明兒童畏雷電魚鼃驚夜  
光州家舉進士選試繆所當試外州舉進士公爲考官也辭對我  
策章句何燁煌相公朝服立工席歌鹿鳴禮終樂亦闕相拜送  
於庭之子去須臾赫赫畱盛名竊喜復竊歎諒知有所成籍與上  
州籍中進士人事安可恆奄忽令我傷聞子高第日正從相公



喪

貞元十五年高郢知舉籍登第是歲二月晉卒公護其喪行

哀情逢吉語愴怳難爲雙暮

宿偃師西徒展轉在牀夜聞汴州亂

亂二月乙酉宣武軍寇壁行

傍徨我時畱妻子倉卒不及將相見不復期零落甘所丁驕女

未絕乳念之不能忘忽如在我所耳若聞曉聲中途安得返一

日不可更俄有東來說我家免罹殃乘船下汴水東去趨彭城

從喪朝至洛還走不及停假道經盟津出入行淵岡日西入軍

門羸馬顛且僵主人願少畱

時李元爲河陽節度主人謂元也

延入陳壺觴卑

賤不敢辭忽忽心如狂飲食豈知味絲竹徒轟轟平明脫身去

決若驚鳬翔

以上公送董晉之喪至洛中途聞汴州亂至洛東還將赴徐州中開一謁李元於河陽山洛赴徐本

應行黃河之南是時或囚汴州之亂避行河北歟

黃昏次汜水欲過無舟航號呼久乃

至夜濟十里黃中流上灘渾但音沙水不可詳驚波暗合杳星宿

爭翻芒轅馬蹢躅鳴左右泣僕童甲午憩時門臨泉窺鬪龍東

西出陳許陂澤茫茫道邊草木花紅紫相低昂百里不逢人

角角音雄雄雉鳴行行二月暮乃及徐南疆下馬步隄岸上船拜

吾兄誰云經艱難百口無天殤僕射南陽公宅我睢水陽二月末公

至徐州徐泗濠節度使張建封以公爲節度推官睢水名在徐州公與孟東野書云主人與余有故居余符離睢水上卽此也

篋中有餘衣盎中有餘糧閉門讀書史窗戶忽已涼以上山河

陳許而日念子來遊子豈知我情謂望其來而別離未爲久辛

苦多所經對食每不飽共言無倦聽連延三十日晨坐達五更

我友二三子宦遊在西京東野窺禹穴李翱觀濤江蕭條千萬

里會合安可逢淮之水舒舒楚山直叢叢子又捨我去我懷焉  
所窮以上敘籍來月餘而又別男兒不再壯百歲如風狂高爵尚可求無爲  
守一鄉

幽懷

幽懷不能寫行此春江潯適與佳節會士女競光陰凝妝耀洲  
渚繁吹蕩人心開關林中鳥亦知和爲音豈無一樽酒自酌還  
自吟但悲時易失四序迭相侵我歌君子行視古猶視今

君子法天運

君子法天運四時可前知小人惟所遇寒暑不可期利害有常  
勢取捨無定姿焉能使我心皎皎遠憂疑

落葉送陳羽

落葉不更息。斷蓬無復歸。飄飄終自異。邂逅暫相依。悄悄深夜語。悠悠寒月輝。誰云少年別。流淚各霑衣。

歸彭城

天下兵又動。太平竟何時。訐謖者誰子。無乃失所宜。前年關中旱。閭井多死飢。去歲東郡水。生民爲流屍。上天不虛應。禍福各有隨。我欲進短策。無由至彤墀。刳肝以爲紙。瀝血以書辭。上言陳堯舜。下言引龍夔。言詞多感激。文字少嚴整。一讀已自怪。再尋良自疑。食芹雖云美。獻御固已癡。緘封在骨髓。耿耿空自奇。昨者到京師。屢陪高車馳。周行多俊異。議論無瑕疵。見待頗異。

禮未能去毛皮

謂不能披天眞猶今語云客氣也

到口不敢吐徐徐俟其

熾歸來戎馬閒驚顧似羈雌適日或不語終朝見相欺乘閒輒

騎馬茫茫詣空陂遇酒卽酩酊君知我爲誰

醉後

煌煌東方星柰此眾客醉初喧或忿爭中靜雜嘲戲淋漓身上

衣顛倒筆下字人生如此少酒賤且勤置

醉贈張祕書

人皆勸我酒我若耳不聞今日到君家呼酒持勸君爲此座上

客及余各能文君詩多態度藹藹春空雲東野動驚俗天葩吐

奇芬張籍學古淡軒鶴避雞羣阿買不識字頗知書八分詩成

使之寫亦足張吾軍所以欲得酒爲文俟其醺酒味既冷冽酒氣又氤氲性情漸浩浩諧笑方云云此誠得酒意餘外徒續給長安眾富兒盤饌羅羶輦不解文字飲惟能醉紅裙雖得一飽樂有如聚飛蚊今我及數子固無猶與薰險語破鬼膽高詞媿皇墳至寶不雕琢神功謝鋤耒方今向太平元凱承華勳吾徒幸無事庶以窮朝曛

同冠峽

南方二月半春物亦已少維舟山水間晨坐聽百鳥宿雲尚含姿朝日忽升曉羈旅感和鳴因拘念輕矯潺湲淚久迸詰曲思增繞行矣且無然蓋棺事乃了

送惠師

惠師浮屠者乃是不羈人十五愛山水超然謝朋親脫冠剪頭  
髮飛步遺蹤塵發迹入四明梯空上秋旻遂登天台望眾壑皆  
嶙峋夜宿最高頂舉頭看星辰光芒相照燭南北爭羅陳茲地  
絕翔走自然嚴且神微風吹木石澎湃聞韶鈞夜半起下視漢  
波銜日輪魚龍驚踊躍叫嘯成悲辛怪氣或紫赤敲磨共輪囷  
金鷄旣騰翥六合俄清新自遂登天台至此常聞禹穴奇東去  
窺甌閩越俗不好古流傳失其真幽蹤邈難得聖路嗟長堙迴  
臨淵江濤屹起高峨岷壯志死不息千年如隔晨是非竟何有  
棄去非吾倫已上敘會稽觀禹穴浙江觀湖凌江詣廬嶽浩蕩極遊巡崔嵬沒

雲表陂陀浸湖淪是時雨初霽懸瀑垂天紳前年往羅浮步屐

南海潛大哉陽德盛榮茂恆畱春鵬鷺墮長嗣鯨戲側修鱗已上

敘江州觀廬山自來連州寺曾未造城闔日攜青雲客探勝窮已上

崖濱太守邀不去羣官請徒頻囊無一金資翻謂富者貧已上

至連州徧遊諸勝昨日忽不見我令訪其鄰奔波自追及把手問所因

願我卻興歎君甯異於民離合自古然辭別安足珍吾聞九疑

好夙志今欲伸斑竹嘯舜婦清湘沈楚臣衡山與洞庭此固道

所循尋嵩方抵洛歷華途之秦浮游靡定處偶往卽通津已上

別韓公吾言子當去子道非吾遵江魚不池活野鳥難籠馴吾

非西方教憐子狂且醕吾嫉惰遊者憐子愚且諄去矣各異趣

韓愈集卷之五 雜詩 五 韓愈



何爲浪霑巾

已上韓公送惠之辭

送靈師

此詩貞元十九年復在連州陽山作也云王員外者仲舒也仲舒時亦謫連州司戶見宴喜亭記

佛法入中國爾來六百年齊民逃賦役高士著幽禪官吏不之制紛紛聽其然耕桑日失隸朝署時遺賢靈師皇甫姓亂胄本蟬聯少小涉書史早能綴文篇中間不得意失迹成延遷逸志不拘教軒騰斷牽攀首八句說佛法爲世大害靈師八句敘圍其少時事軒騰何謂其棄俗而爲僧也碁鬪白黑生死隨機權六博在一擲梟盧叱迴旋戰詩誰與敵浩汗橫戈鋌飲酒盡百觥嘲諧思逾鮮有時醉花月高唱清且緜四座咸寂默杳如奏湘絃已上敘其博奕詩酒之能尋勝不憚險黔江屢洄沿瞿塘五六月驚電讓歸船怒水忽中裂千尋墮幽泉環迴

勢益急。仰見團團天。投身豈得計。性命甘徒捐。浪沫蹙翻涌。漂

浮再生全。同行二十人。魂骨俱坑填。靈師不掛懷。冒涉道轉延。

開忠二州牧。詩賦時多傳。失職不把筆。珠璣爲君編。強畱費日

月。密席羅嬋娟。已上敘其遊黔蜀及在瞿塘落水得生事昨者至林邑。使君數開筵。

逐客三四公。盈懷贈蘭荃。湖游泛潈沅。溪宴駐潺湲。別語不許

出行裾。動遭牽鄰州。競招請書札。何翩翩。已上敘十月下桂嶺。

乘寒恣窺緣。落落王員外。謂王仲舒自戶部員外郎貶爲連州司戶爭迎獲其先。自

從入賓館。占恡久能專。吾徒頗攜被。接宿窮歡妍。聽說兩京事。

分明皆眼前。縱橫雜謠俗。瑣屑咸羅穿。材調眞可惜。朱丹在磨

研。方將斂之道。且欲冠其顛。已上敘其在連州久聚韶陽李太守。高步凌

峯。詩。卷。五。古。韓愈。古。

雲煙得客輒忘食開囊乞繒錢手持南曹敘字重青瑤鐫古氣  
參彖繫高標摧太玄維舟事干謁披讀頭風痊還如舊相識傾

壺暢幽悃以此復畱滯歸馬幾時鞭已上敘其由連至韶

縣齋有懷

此詩陽山縣齋作貞元十九年公以言事出至是二十一年順宗即位而作是詩嗣皇新繼明

謂順宗也

少小尚奇偉平生足悲咤猶嫌子夏儒冒學樊遲稼事業窺皋

稷文章蔑曹謝濯纓起江湖綴珮雜蘭麝悠悠指長道去去策

高駕誰爲傾國媒自許連城價初隨計吏貢屢入澤宮射雖免

上勞何能一戰

霸元公自貞元八年中進士第貢于京師至貞元十年屢試博學宏詞不中已上敘少

年中進士試

人情忌殊異世路多權詐蹉跎顏遂低摧折氣愈

宏博時事

下治長信非罪侯生或遭罵懷書出皇都銜淚渡清瀨身將老

寂寞志欲死閑暇朝食不盈腸冬衣纔掩帟軍書既頻召戎馬

乃連跨大梁從相公彭城赴僕射弓箭圍狐兔絲竹羅酒餽夜

切即兩府變荒涼三年就休已上敘出都從前求官去東洛

公自貞元十六年張建封薨歸犯雪過西華塵埃紫陌春風雨

靈臺夜名聲荷朋友援引乏姻婭雖陪彤庭臣詎縱青冥靴寒

空聳危闕曉色曜修架捐軀辰在丁貞元十九年十二月公以

賁陽山令辰在丁鍛謂上疏之日也翻時方謂上疏之日也禱謂上疏之日也投荒誠職分領邑幸寬赦謂上疏之日也

敘為御史上湖波翻日車嶺石坼天罅毒霧恆熏晷炎風每燒

夏雷威固已加颶勢仍相借氣象杳難測聲音吁可怕夷言聽

十八家詩鈔 卷九 五古 韓愈 上

未愼越俗循猶乍指摘兩憎嫌睚眦互猜訝祇緣恩未報豈謂

生足藉已上敘道塗嗣皇新繼明率土日流化惟思滌瑕垢長

去事桑柘斷嵩開雲局壓頽抗風榭禾麥種滿地黎粢栽繞舍

兒童稍長成雀鼠得驅嚇官租日輸納村酒時邀迓閑愛老農

愚歸弄小女姪如今便可爾何用畢婚嫁已上思得救宥而歸故士

### 合江亭

一作題合江亭寄刺史鄒君○鄒君逸其名亭故相齊映所作故曰維昔經營初邦君贊王佐前刺

史元澄無政廉使中丞楊公憑奏黜之遂川鄒公其日中丞黜因邪指此意也公永貞元年七月初自陽山

移江陵道衡山詩所以作

紅亭枕湘江蒸水會其左瞰臨眇空闊綠淨不可睡維昔經營

初邦君實王佐翦林遷神祠買地費家貨梁棟宏可愛結構麗

匪過伊人去軒騰茲宇遂頽挫老郎來何暮高唱久乃和樹蘭  
盈九畹栽竹逾萬个長綆汲滄浪幽蹊下坎壈波濤夜俯聽雲  
樹朝對臥初如遺宦情終乃最郡課人生誠無幾事往悲豈柰  
蕭條縣歲時契闊繼庸懦勝事誰復論醜聲日已播中丞黜凶  
邪天子閔窮餓君侯至之初閭里自相賀淹滯樂閑曠勤苦勸  
慵惰爲余掃塵階命樂醉眾座窮秋感平分新月憐半破願書  
巖上石勿使泥塵沅邦君指齊叟初建此亭者也老郎繼齊而  
樹蘭栽竹者也庸懦指元澄被楊慙刻去  
者也君侯指鄒君款接韓公者  
也鄒君逸其名老郎竝逸其姓

陪杜侍御遊湘西兩寺獨宿有題一首因獻楊常侍此自陽山

北還過潭作永貞元年秋也湘西寺在潭州  
楊常侍慙也時爲潭州刺史湘西觀察使云

長沙千里平勝地猶在險况當江闊處斗起勢匪漸深林高玲

瓏青山上琬琰路窮臺殿闕佛事煥且儼剖竹走泉源開廊架

崖說文因巖為屋曰崖是時秋之殘暑氣尙未斂羣行忘後先朋息棄

拘檢客堂喜空涼華榻有清簟澗蔬煮蒿芹水果剝菱芡伊余

夙所慕陪賞亦云忝已上敘陪杜幸逢車馬歸獨宿門不掩山

樓黑無月漁火燦星點夜風一何喧杉檜屢磨颭猶疑在波濤

怵惕夢成熈靜思屈原沈遠憶賈誼貶椒蘭爭妍忌絳灌共讒

諂誰令悲生勝坐使淚盈臉翻飛乏羽翼指摘困瑕玷以上敘獨宿

珥貂藩維重政化類分陝禮賢道何優奉已事苦儉大廈棟方

隆巨川楫行刻經營誠少暇遊宴固已歉旅程愧淹留徂歲嗟

荏苒平生每多感柔翰遇頻染展轉嶺猿鳴曙燈青  
已上頌揚

侍常

岳陽樓別竇司直

竇司直名庠字胃卿韓皋鎮武昌辟庠

移江陵法曹道出岳陽樓作此詩永貞元年冬十月也劉禹錫有和篇足成六十韻見劉集

洞庭九州閒厥大誰與讓南匯羣崖水北注何奔放瀦爲七百

里吞納各殊狀自古澄不清環混無歸向炎風日搜攪幽怪多

冗長軒然大波起宇宙隘而妨巍義拔嵩華騰蹕較健壯聲音

一何宏轟輶車萬兩猶疑帝軒轅張樂就空曠蛟螭露筍簾縞

練吹組帳鬼神非人世節奏頗跌踴陽施見誇麗陰閉感悽愴

自軒然大波至此朝過宜春口極北缺隄障夜纜巴陵洲叢芮

狀其洪濤壯觀

朝過宜春

口極北缺

隄障夜纜

巴陵洲叢芮



纔可傍星河。盡涵泳。俯仰迷下上。餘瀾怒不已。喧聒鳴。囊盜明

登岳陽樓。輝煥朝日亮。飛廉戢其威。清晏息。纖纈泓澄湛凝綠

物影巧相況。江豚時出戲。驚波忽蕩養。時當冬之孟。公永貞元

州隙竅。縮寒漲。前臨指近岸。側坐眇難望。滌濯神魂醒。幽懷舒

以暢。自朝過宜春至此主人孩童舊握手。乍忻悵。憐我竄逐歸

相見得無恙。開筵交履舄。爛漫倒家釀。杯行無畱停。高柱送清

唱。中盤進橙栗。投擲傾脯觴。歡窮悲心生。婉變不能忘。念昔始

讀書。志欲干霸王。屠龍破千金。爲藝亦云亢。愛才不擇行。觸事

得讒謗。前年出官。由此禍最無。妄公卿。採虛名。擢拜識。天仗姦

得畏。彈射斥逐。恣欺誑。新恩移府庭。逼側厠諸將。于嗟苦驚緩

但懼失宜當追思南渡時魚腹甘所葬嚴程迫風帆劈箭入高浪顛沈在須臾忠鯁誰復諒生還真可喜剋己自懲創庶從今日後巍識得與喪事多改前好趣有獲新尚誓耕十畝田不取萬乘相細君知蠶織稚子已能餉行當掛其冠生死君一訪公實氏兄弟最爲契好故於歡宴之餘追憶前事言之沈痛

### 送文暢師北遊

昔在四門館晨有僧來謁自言本吳人少小學城闕已窮佛根源龐識事輒軌攀拘屈吾真戒轄思遠發薦紳秉筆徒聲譽耀前閥從求送行詩屢造忍顛蹶今成十餘卷浩汗羅斧鉞先生閱窮巷未得窺剗剗又聞識大道何路補剗剗自自言本吳人至此皆述文暢

在四門言金出其囊中文滿聽實清越謂僧當少安草序頗排訐上

論古之初所以施賞罰下開迷惑胸豁斷株槩僧時不聽瑩

若飲水救渴風塵一出門時日多如髮已上敘從前作送文暢序贈別之事三年

竄荒嶺守縣坐深樾徵租聚異物詭製怛巾鞮幽窮共誰語思

想甚含噦昨來得京官照壁喜見蝎况逢舊親識無不比鵝鰕

長安多門戶弔慶少休歇而能勤來過重惠安可揭已上敘陽山及回

京再見當今聖政初恩澤完戒狘胡爲不自暇飄戾逐鷗鴈僕

射領北門謂田季安爲魏博節度使威德壓胡羯相公鎮幽都謂劉濟爲

帛爛勦伐酒場舞閨姝獵騎圍邊月開張篋中寶自可得津筏

從茲富裘馬甯復茹藜藿余期報恩後謝病老耕垆庇身指蓬

茅逞志縱獫狁僧還相訪來山藥糞可掘

已上送文暢北遊而自擬歸耕

### 答張徹

辱贈不知報我歌爾其聆首敘始識面次言後分形道途繇萬

里日月垂十齡

謂自貞元十二年丙子至是元和改元丙戌十年也

浚郊避兵亂睢岸連

門停肝膽一古劒

波濤兩浮萍漬墨竄舊史磨丹注前經義苑

手祕寶文堂耳驚霆暄晨躡露鳥暑夕眠風櫺結友子讓抗請

師我慙丁初味猶噉蔗遂通斯建瓴搜奇日有富嗜善心無甯

石梁平佺佺沙水光泠泠乘枯摘野豔沈細抽潛腥遊寺去陟

巘尋徑返窅汀緣雲竹竦竦失路麻冥冥淫潦忽翻野平蕪眇

開溟防泄塹夜塞懼衝城晝局

自肝膽一古劒至此皆敘貞元十五年睢岸連居與張徹相從

樂及去事戎轡公先居睢水久之建相逢宴軍伶觥秋縱兀兀

獵旦馳駟駟從賦始分手謂微赴舉試也朝京忽同舲急時促暗棹戀

月畱虛亭畢事驅傳馬安居守窗螢梅花灞水別宮燭驪山醒

省選逮投足鄉賓尙摧翎謂微下第也微後登第塵祛又一摻淚皆

還雙燧已上敘其以徐州從事朝正京師與微同行之事塵祛二句公先出京微後出京又與途中相見而再別也

洛邑得休告華山窮絕陁倚巖睨海浪引袖拂天星日駕此迴

轄金神所司刑泉紳拖修白石劒攢高青磴薜蘿攀跼梯飈颭

伶俜悔狂已咋指垂誠仍鐫銘公嘗過華山登絕頂發狂慟哭遇書爲識見國史補○已上敘

走商嶺飛波航洞庭下險疑墮井守官類拘囹荒餐茹獮蠱幽

登華山事峨多忝備列伏蒲愧分涇微誠幕橫草瑣力摧撞逢嶽雪

夢感洲靈刺史肅著蔡吏人沸蜉蝣點綴簿上字趨蹌閣前鈴

賴其飽山水得以娛瞻聽紫樹雕斐疊碧流滴瓏玲映波鋪遠

錦插地列長屏愁狢酸骨死怪花醉魂馨潛苞絳實圻幽乳翠

毛零已上敘爲御史赦行五百里月變三十冀漸階羣振鷺入

學誨螟蛉萃甘謝鳴鹿鬱滿慙馨餅罔罔抱瑚璉飛飛聯鵲鴿

魚鼈欲脫背虬光先照硯豈獨出醜類方當動朝廷勤來得晤

語勿憚宿寒廳已上敘入爲國子

薦士

孟東野貞元十一年進士爲溧陽尉時鄭餘慶尹河

南公作是詩以薦之鄭辟爲水陸運從事此詩作於

郊爲尉後辟從事前歟觀公銘郊墓謂鄭公尹河南既

辟從事後以節領興元復奏爲參謀皆公一時之薦也

周詩三百篇雅麗理訓誥曾經聖人手議論安敢到五言出漢

時蘇李首更號東都漸瀾漫派別百川導建安能者七卓犖  
風操逶迤抵晉宋氣象日凋耗中間數鮑謝比近最清奧齊梁  
及陳隋眾作等蟬噪搜春摘花卉沿襲傷剽盜國朝盛文章子  
昂始高蹈勃興得李杜萬類困陵暴後來相繼生亦各臻闢奧  
有窮者孟郊受材實雄驚其觀洞古今象外逐幽好橫空盤硬  
語妥帖力排冪敷柔肆紆餘奮猛卷海潦榮華肖天秀捷疾逾  
轡報行身踐規矩甘辱恥媚竈孟軻分邪正眸子看瞭眊杳然  
粹而清可以鎮浮躁酸寒溧陽尉五十幾何毫孜孜營甘旨辛  
苦久所圖俗流知者誰指注競嘲傲聖皇索遺逸髦士日登造  
廟堂有賢相愛遇均覆燾况承歸與張

謂郊當爲歸登  
張建封所知

二公迭

陸韓詩真送吹噓強箭射魯縞胡爲久無成使以歸期告霜風  
破佳菊嘉節迫吹帽念將浹焉去感物增戀嫪彼微水中持尙  
煩左右筆魯侯國至小廟鼎猶納郤幸當擇珉玉甯有棄珪璫  
悠悠我之思擾擾風中燾上言愧無路日夜惟心禱鶴劍不天  
生變化在啄挹通波非難圖尺地曷可漕善善不汲汲後時徒  
悔懊救死具八珍不如一簞犒微詩公勿謂愷悌神所勞

喜侯喜至贈張籍張微

昔我在南時數君長在念搖搖不可止諷詠日喁噉如以膏濯  
衣每漬垢逾染又如心中疾箴石非所疑常思得遊處至死無  
倦厭地遐物奇怪水鏡涵石劒荒花窮漫亂幽獸工騰閃礙目



不忍窺忽忽坐昏墊逢神多所祝豈忘靈卽驗依依夢歸路歷歷想行店今者誠自幸所懷無一欠孟生去雖索侯氏來還歎欷眠聽新詩屋角月豔豔雜作承閒騁交驚舌互譖續紛指瑕疵拒捍阻城塹以余經摧挫固請發鉛槧居然妄推讓見謂藝天燄比疏語徒姁慄息不敢占呼奴具盤飧飣餽魚菜贍人生但如此朱紫安足僭

驚驥

驚駘誠齷齪市者何其稠力小苦易制價微良易酬渴飲一斗水飢食一束芻嘶鳴當大路志氣若有餘驥生絕域自矜無匹儔牽驅入市門行者不爲留借問價幾何黃金比嵩邱借問

行幾何咫尺視九州飢食玉山禾渴飲醴泉流問誰能爲御曠  
世不可求惟昔穆天子乘之極遐遊王良執其轡造父挾其轡  
因言天外事茫惚使人愁驚駘謂騏驥餓死余爾羞有能必見  
用有德必見收孰云時與命通塞皆自由騏驥不敢言低徊但  
垂頭人皆劣騏驥共以驚駘優喟余獨興歎才命不同謀寄詩  
同心子爲我商聲謳

出門

長安百萬家出門無所之豈敢尙幽獨與世實參差古人雖已  
死書上有其辭開卷讀且想千載若相期出門各有道我道方  
未夷且於此中息天命不吾欺

烽火

登高望烽火誰謂塞塵飛王城富且樂曷不事光輝勿言日已暮相見恐行稀願君熟念此秉燭夜中歸我歌甯自感乃獨淚霑衣

足貞元十五年鄭滑大水公十六年自京師歸彭城詩

齒齒云去歲東郡水而此詩亦云河隄決東郡老弱隨驚湍詩意皆相似大抵言當世士齷齪無能爲國慮者

齷齪當世士所憂在飢寒但見賤者悲不聞貴者歎大賢事業異遠抱非俗觀報國心皎潔念時涕汎瀾妖姬坐左右柔指發哀彈酒肴雖曰陳感激甯爲歡秋陰欺白日泥潦不少乾河隄決東郡老弱隨驚湍天意固有屬誰能詰其端願辱太守薦得

充諫諍官排雲叫闥闔披腹呈琅玕致君豈無術自進誠獨難

洞庭湖阻風贈張十一署

十月陰氣盛北風無時休蒼茫洞庭岸與子維雙舟霧雨晦爭泄波濤怒相投犬雞斷四聽糧絕誰與謀相去不容步險如礙山邱清談可以飽夢想接無由男女喧左右飢啼但啾啾非懷北歸興何用勝羈愁雲外有白日寒光自悠悠能令暫開霽過是吾無求

青青水中蒲三首

按樂府亦作三首蓋興寄也當是婦人思夫之意文選古樂府飲馬長城窟行

有青青河畔草長歌行有青青園中葵其大意與此相似

青青水中蒲下有一雙魚君今上隴去我在與誰居

青青水中蒲長在水中居寄語浮萍草相隨我不如  
青青水中蒲葉短不出水婦人不下堂行子在萬里

孟東野失子 並序

東野連產三子不數日輒失之幾老念無後以悲其友  
人昌黎韓愈懼其傷也推天假其命以喻之

失子將何尤吾將上尤天女實主下人與奪一何偏彼於女何  
有乃令蕃且延此獨何罪辜生死旬日間上呼無時聞滴地淚  
到泉地祇爲之悲瑟縮久不安乃呼大靈龜騎雲款天門問天  
主下人薄厚胡不均天曰天地人由來不相關吾懸日與月吾  
繫星與辰日月相噬齧星辰踣而顛吾不女之罪知非女由因

且物各有分。孰能使之然。有子與無子。禍福未可原。魚子滿母腹。一一欲誰憐。細腰不自乳。舉族長孤鰥。鵲巢啄母腦。母死子始翻。蝮蛇生子時。圻裂腸與肝。好子雖云好。未還恩與勤。惡子不可說。鵲巢蝮蛇然。有子且勿喜。無子固勿歎。上聖不待教。賢聞語而遷。下愚聞語惑。雖教無由悛。大靈頓頭受。卽日以命還。地祇謂大靈女。往告其人東野夜。得夢有夫。玄衣巾闔然入其戶。三稱天之言。再拜謝。玄夫收悲以歡忻。

縣齋讀書

貞元二十年在陽山縣齋作

出宰山水縣。讀書松桂林。蕭條捐末事。邂逅得初心。哀狘醒俗耳。清泉潔塵襟。詩成有共賦。酒熟無孤斟。青竹時默釣。白雲日

幽尋南方本多毒北客恆懼侵謫譴甘自守滯留愧難任投章  
類編帶位答逾兼金

新竹

筍添南階竹日日成清閼縹節已儲霜黃苞猶揜翠出欄抽五  
六當戶羅三四高標陵秋嚴貞色奪春媚稀生巧補林竝出疑  
爭地縱橫乍依行爛漫忽無次風枝未飄吹露粉先涵淚何人  
可攜翫清景空瞪視

晚菊

少年飲酒時踴躍見菊花今來不復飲每見恆咨嗟伫立摘滿  
手行行把歸家此時無與語棄置奈悲何

落齒

去年落一牙今年落一齒俄然落六七落勢殊未已餘存皆動搖盡落應始止憶初落一時但念豁可恥及至落二三始憂衰卽死每一將落時懍懍恆在己又牙妨食物顛倒怯漱水終焉捨我落意與崩山比今來落旣熟見落空相似餘存二十餘次第知落矣儻常歲落一自足支兩紀如其落竝空與漸亦同指人言齒之落壽命理難恃我言生有涯長短俱死爾人言齒之豁左右驚諦視我言莊周云木鴈各有喜語訛默固好嚼廢輟還美因歌遂成詩時用詫妻子

哭楊兵部凝陸欽州參



人言金 卷之十

人皆期七十纔半豈蹉跎公生大歷戊申至是貞元十九年癸未則年三十有六矣豈非七十之半

乎併出知已淚自然白髮多農興為誰慟還坐久滯沲論文與

晤語已矣可如何

苦寒

公此詩意蓋有所諷猶訟風伯之吹雲而雨不得作也謂隆寒奪春序而肆其寒猶權臣之用事太昊之

畏避則猶當國者畏權臣取充位而已其下反覆所言無易此意其末謂天王哀無辜則望人主進賢退不自

使恩澤下流施及草木其愛君憂民之意具見於此按韋渠牟傳自陸贄免德宗不復委權於下宰相充位行

文書而已所倚信者裴延齡李齊運王紹李實韋執誼與渠牟等其權倖人主此詩所以諷也時賈耽齊抗之

徒當國公為四門博士貞元十九年春作

四時各平分一氣不可兼隆寒奪春序顓頊固不廉太昊弛維

綱畏避但守謙遂令黃泉下萌牙天旬尖草木不復抽百味失

苦甜凶。魔攪宇宙鉗刀甚割。砭日月雖云尊不能活。烏蟾羲和  
送日出。恒怯頻窺覘。炎帝持祝融呵噓不相炎。而我當此時。恩  
光何由沾。肌膚生鱗甲。衣被如刀鋸。氣寒鼻莫嗅。血動指不拈。  
濁醪沸入喉。口角如銜箝。將持匕箸食。觸指如排籤。侵鑪不覺  
暖。熾炭屢已添。探湯無所益。何況纒與縑。虎豹僵穴中。蛟螭死  
幽潛。熒惑喪躔次。六龍冰脫髯。芒陽大包內。生類恐盡殲。啾啾  
窗間雀。不知已微纖。舉頭仰天鳴。所願晷刻淹。不如彈射死。卻  
得親炰燂。鸞皇苟不存。爾固不在占。其餘蠢動儔。俱死誰恩嫌。  
伊我稱最靈。不能女覆苫。悲哀激憤歎。五藏難安恬。中宵倚牆  
立。淫淚何漸漸。天王哀無辜。惠我下顧瞻。褰旒去耳續。續旒垂目  
續塞耳

一  
養疏去續謂金  
明目達聰也調和進梅鹽賢能日登御黜彼傲與愼生風吹死  
氣豁達如褰簾懸乳零落墮晨光入前檐雪霜頓銷釋土脈膏  
且黏豈徒蘭蕙榮施及艾與蕭日萼行鑠鑠風條坐檐檐天平  
苟其能吾死意亦厭

崔十六少府攝伊陽以詩及書見投因酬三十韻

崔君初來時相識頗未慣但聞赤縣尉不比博士慢賃屋得連  
牆往來忻莫聞我時亦新居觸事苦難辦蔬飧要同喫破襖誰  
來綻謂言安堵後貸借更何患不知孤遺多舉族仰薄宦有時  
來朝餐得米日已晏隔牆聞謔呼眾口極驚鴈前計頓乖張居  
然見眞贗嬌兒好眉眼矜腳凍兩胷捧書隨諸兄累累兩角卵

冬惟姑寒齏秋始識瓜辦問之不言飢飫若厭芻豢才名三十  
年久合居給諫白頭趨走裏閉口絕謗訕府公舊同袍拔擢宰  
山澗寄詩雜談俳有類說鵬鷃上言酒味酸冬衣竟未撥下言  
人吏稀惟足彪與戲又言致豬鹿此語乃善幻三年國子師腸  
肚習藜藿况住洛之涯魴鱖可罩汕按崔詩必言將以豬鹿野  
云善戲漢書西域傳有善眩之語顏注云眩讀與幻同住洛之  
涯公時以國子博士分教東都謂但食藜藿魴鱖不勞致豬鹿  
異味旬效屠門嚼久嫌弋者簞謀拙曰焦拳活計似鋤剗男寒  
澁詩書妻瘦剩腰攀爲官不事職厥罪在欺謾行當自劾去漁  
釣老葭亂歲窮寒氣驕冰雪滑燈棧音問難屢通何由覲清盼

送侯參謀赴河中幕

侯繼時從王諤辟繼與公同舉貞元八年進士元和四年又同官學省公

博士繼助敎六月公分司東都而  
繼參河中幕此詩是年冬作也

憶昔初及第各以少年稱君頤始生鬢我齒清如冰爾時心氣  
壯百事謂已能一別詎幾何忽如隔晨興我齒豁可鄙君顏老  
可憎相逢風塵中相親迭嗟矜幸同學省官末路再得朋東司  
絕敎授遊宴以爲恆秋漁蔭密樹夜博然明燈雪逕抵樵叟風  
廊折談僧陸渾桃花閒有湯沸如蒸三月崧少步蹣跚紅千層  
洲沙厭晚坐嶺壁窮晨昇沈冥不計日爲樂不可勝遷滿一已  
異乖離坐難憑行行事結束人馬何躊騰感激生膽勇從軍豈  
嘗曾洸洸司徒公元和三年九月以淮南節度使王諤檢校司徒公  
王諤也四年冬天子爪與肱提師十萬餘四海欽風稜河北兵

辟繼爲府從事

未進蔡州卽新薨曷不請掃除活彼黎與烝鄙夫誠怯弱受恩  
愧徒宏猶思脫儒冠棄死取先登又欲面言事上書求詔徵侵  
官固非是妄作譴可懲惟當待責免耕斲歸溝塍今君得所附  
勢若脫鞬鷹檄筆無與讓幕謀職其膺收績聞史牒翰飛逐溟  
鵬男兒貴立事流景不可乘歲老陰沴作雲頽雪翻崩別袂拂  
洛水征車轉嶠陵勤勤酒不進勉勉恨已仍送君出門歸愁腸  
若牽繩默坐念語笑癡如遇寒蠅策馬誰可適晤言誰爲應席  
塵惜不掃殘罇對空凝信知後會時日月屢環絙生期理行役  
歡緒絕難承寄書惟在頻無恡簡與繒

東都遇春

少年氣真狂有意與春競行逢二三月九州花相映川原曉服

鮮桃李晨粧靚荒乘不知疲醉死豈辭病飲噉惟所便文章倚

豪橫爾來曾幾時白髮忽滿鏡舊遊喜乖張新輩足嘲評音心

腸一變化羞見時節盛得閒無所作貴欲辭視聽深居疑避仇

默臥如當瞑朝曦入牖來鳥喚昏不醒爲生鄙計算鹽米告屢

聲坐疲都忘起冠側懶復正幸蒙東都官獲離機與公時分弄

生李習之狀公行云自江陵掾入爲國子博士宰相有愛公文

者將以文學職處公有爭先者謂公公恐及難遂求分司東都

北公所以有獲乖慵遭傲僻漸染生弊性既去焉能追有來猶

莫聘有船魏王池往往縱孤泳水容與天色此處皆綠淨岸樹

共紛披渚与相緯經音懷歸苦不果卽事取幽遊貪求匪名利

所得亦已併悠悠。度朝昏落落捐季孟。羣公一何賢。上戴天子  
聖謀謨。收禹績。四面出雄勁。轉輸非不勤。稽連有軍令。在庭百  
執事。奉職各祇敬。我獨胡爲哉。坐與億兆慶。譬如籠中鳥。仰給  
活性命。爲詩告友生。負愧終究竟。

酬裴十六功曹巡府西驛塗中見寄

相公罷論道

相公鄭餘慶也元和元年罷相出爲河南尹

聿至活東人。御史坐言事。

作吏府中塵

御史裴度也元和初度密疏論權倖忤旨出爲河南府功曹

遂令河南治。今古

無儔倫。四海日富庶。道途隘踳輪。府西三百里。候館同魚鱗。相

公謂御史。勞子去自巡。是時山水秋光景。何鮮新。哀鴻鳴清耳。

宿霧褰高旻。遺我行旅詩。軒軒有風神。譬如黃金盤。照耀荆璞



真我來亦已幸事賢友其仁持竿洛水側孤坐屢窮辰多才自  
勞苦無用祇因循辭免期匪遠行行及山春

燕河南府秀才

據詩云元和五年冬房公尹東京房公者房式也時爲河南尹公時爲河南令故曰

泰縣尹權德輿時爲宰相故曰作邦楨云

吾皇紹祖烈天下再太平詔下諸郡國歲貢鄉曲英元和五年  
冬房公尹東京功曹上言公是月當登名乃選二十縣試官得  
鴻生羣儒負已材相賀簡擇精怒起簸羽翮引吭吐鏗聒此都  
自周公文章繼名聲自非絕殊尤難使耳目驚今者遭震薄不  
能出聲鳴鄙夫忝縣尹愧慄難爲情惟求文章寫不敢如與爭  
還家救妻兒具此煎烹柿紅蒲萄紫肴果相扶藥芳茶出罍

門好酒濃且清何能充歡燕庶以露厥誠昨聞詔書下權公作  
邦楨文人得其職文道當大行陰風攪短日冷雨澁不晴勉哉  
戒徒馭家國遲子榮

送李翱

翱字習之隴西人貞元十六年娶公兄弇之女元和三年四月乙亥戶部侍郎楊於陵出爲廣州刺史嶺南節度使表翱佐其府四年正月己酉翱自東都旌善坊以妻子上船於漕乙未去東都公與石洪假舟送之丁酉同登嵩山題姓名紀別故有此詩

廣州萬里途山重江逶迤行行何時到誰能定歸期揖我出門  
去顏色異恆時雖云有追送足迹絕自茲人生一世聞不自張  
與施譬如浮江木縱橫豈自知甯懷別時苦勿作別後思

送石處士赴河陽幕

長把種樹書人云避世士忽騎將軍馬自號報恩子風雲入壯  
懷泉石別幽耳鉅鹿師欲老常山險猶恃常山鎮州今爲鎮定府  
王承宗反詔中人吐突承璀豈惟彼相憂固是吾徒恥去去事  
以兵討之無功遂赦王承宗

方急酒行可以起

### 送湖南李正字歸

長沙入楚深洞庭值秋晚人隨鴻鴈少江共蒹葭遠歷歷余所  
經悠悠子當返孤游懷耿介旅宿夢婉婉風土稍殊音魚蝦日  
異飯親交俱在此誰與同息偃

### 辛卯年雪

元和六年春寒氣不冑歸河南二月末雪花一尺圍崩騰相排

撈龍鳳交橫飛波濤何飄揚天風吹旛旗白帝盛羽衛鬚髮振  
袞衣白霓先啟途從以萬玉妃翕翕陵厚載譁譁弄陰機生平  
未曾見何暇議是非或云豐年祥飽食可庶幾善禱吾所慕誰  
言寸誠微

### 招揚之罘

柏生兩石間萬歲終不大野馬不識人難以駕車蓋柏移就平

地馬羈入廐中

柏移平地謂去荒陋之邦而漸染雅化馬入廐中謂去羈駕之習而範戎馳驅皆裁戒之罘之意

馬思自由悲柏有傷根容傷根柏不死千丈日以至馬悲罷

還樂振迅矜鞍轡之罘南山來文字得我驚館置使讀書日有

求歸聲我令之罘歸失得柏與馬之罘別我去計出柏馬下我

自之罘歸入門思而悲之罘別我去能不思我爲灑掃縣中居  
引水經竹間鶯譙所不及何異山中閑前陳百家書食有肉與  
魚先王遺文章綴緝實在余禮稱獨學陋易貴不遠復作詩招  
之罘晨夕抱飢渴

送無本師歸范陽

無本於爲文身大不及膽吾嘗示之難勇往無不敢蛟龍弄角  
身造次欲手攬眾鬼囚大幽下覷襲玄宮天陽熙四海注視首  
不領領李本作鎖說文鎖低鯨鵬相摩宰兩舉快一噉夫豈能  
必然固已謝黯黹狂詞肆滂葩低昂見舒慘茲窮怪變得往往  
造平澹蜂蟬碎錦纈綠池披茜茜芝英擢荒蕪孤翮起連蕤家

住幽都遠未識氣先感來尋吾何能無殊嗜  
昌歆始見洛陽春桃枝綴紅糝遂來長安里  
時卦轉習坎老懶無鬪心久不事鉛槧欲以  
金帛酬舉室常頗頌念當委我去霜雪刻以  
懔猛飈攪空衢天地與頓撼勉率吐歌詩尉女  
別後覽

雙鳥詩

雙鳥海外來飛飛到中州一鳥落城市一鳥集巖幽

朱子以雙鳥指己與

孟郊而作落城市者已也集巖幽者孟也韻語陽秋已有此說不得相伴鳴爾來三千秋兩鳥

各閉口萬象銜口頭春風捲地起百鳥皆飄浮兩鳥忽相逢百

日鳴不休有耳聒皆聾有口反自羞百舌舊饒聲從此恆低頭

得病不呻喚泯默至死休雷公告天公百物須膏油自從兩鳥

鳴聒亂雷聲。收鬼神怕嘲詠。造化皆停畱。草木有微情。挑挾示九州。蟲鼠誠微物。不堪苦誅求。不停兩鳥鳴。日月難旋轉。不停兩鳥鳴。大法失九疇。周公不爲公。孔邱不爲邱。天公怪兩鳥。各捉一處囚。百蟲與百鳥。然後鳴啾啾。兩鳥旣別處。閉聲省愆尤。朝食千頭龍。暮食千頭牛。朝飲河生塵。暮飲海絕流。還當三千秋。更起鳴相酬。

題炭谷湫祠堂

萬物都陽明。幽暗鬼所寰。嗟龍猶何智。出入人鬼間。不知誰爲助。若執造化關。朕處平地水。巢居插天山。列峯若攢指。石孟仰

環環巨靈高其捧保此一掬慳森沈固含蓄本以儲陰奸魚隨  
蒙擁護羣嬉傲天頑翺翺棲託禽飛飛一何閑祠堂像侔真摧  
玉紆煙鬢羣怪儼伺候恩威在其顏我來日正中悚惕思先還  
寄立尺寸地敢言來途艱吁無吹毛刃血此牛虻殷遐之剛正  
神道如衡山詩則曰神縱欲福難爲功紀夢詩則曰乃不信  
知神人未賢聖此詩則曰血此牛虻股皆凜凜有生氣至今乘  
水旱鼓舞寧與鰥林叢鎮冥冥窮年無由刪妍英雜豔實星瑣  
黃朱班石級皆險滑顛躋莫牽攀龍區雛眾碎付與宿已殞棄  
去可柰何吾其死茅營

送陸暢歸江南

暢字達夫當著蜀道易詩元和元年進士  
黃溪壻也溪丞相董晉第二子貶死湘中

事見墓誌公

當佐董晉幕



舉舉江南子名以能詩聞一來取高第官佐東宮軍迎婦丞相

府誇映秀士羣鸞鳴桂樹聞觀者何續紛人事喜顛倒旦夕異

所云蕭蕭青雲幹遂逐荆棘焚歲晚鴻鴈過鄉思見新文踐此

秦關雪家彼吳洲雲悲曉上車女骨肉不可分按董晉家洛陽

句陸自董府攜婦歸吳而公在洛時送之也感槩都門別丈夫酒方醺我實門下士

力薄蚋與蚊受恩不即報永負湘中墳墓誌云溪除名徙死湘中明年有詔命許歸葬

元和八年葬河南此云湘中墳蓋公作此詩時尙墓葬湘中也

送進士劉師服東歸

猛虎落檻穽坐食如孤狔丈夫在富貴豈必守一門公心有勇

氣公口有直言柰何任埋沒不自求騰軒僕本亦進士頗嘗究

根源由來骨鯁材喜被軟弱吞低頭受侮笑隱忍肆兀冤泥雨  
城東路夏槐作雲屯還家雖闕短指日親晨飧攜持令名歸自  
足貽家尊時節不可翫親交可攀援勉來取金紫勿久休中園

嘲魯連子

魯連細而黠有似黃鵠子田巴元老蒼憐汝矜爪觜開端要驚  
人雄跨吾厭矣高拱禪鴻聲若輟一杯水獨稱唐虞賢顧未知  
之耳

按此當有與公爭名者而公甘以名讓之禪讓也鴻聲大名也

贈張籍

吾老著讀書餘事不掛眼有兒雖甚憐教示不免簡君來好呼  
出踉蹌越門限懼其無所知見則先愧赧昨因有緣事上馬插

手版留君住廳食使立侍盤饌薄暮歸見君迎我笑而莞指渠  
相賀言此是萬金產吾愛其風骨粹美無可揀試將詩義授如  
以肉貫弗開祛露毫末自得高蹇嚙我身蹈邱軻爵位不早綰  
固宜長有人文章紹編刻我自是萬金產至此句皆張籍之辭  
之感荷君子德悅若乘朽機召令吐所記解摘了瑟僂顧視窗  
壁間親戚競覘嚮喜氣排寒冬逼耳鳴睨睨如今更誰恨便可  
耕灞滻

調張籍

李杜文章在光焰萬丈長不知羣兒愚那用故謗傷蚍蜉撼大  
樹可笑不自量伊我生其後舉頸遙相望夜夢多見之晝思反

微茫徒觀斧鑿痕。不矚治水航。想當施手時。巨刃磨天揚。垠崖  
割崩豁。乾坤擺雷硨。惟此兩夫子。家居率荒涼。帝欲長吟哦。故  
遣起且僵。翦翎送籠中。使看百鳥翔。平生千萬篇。金薤垂琳琅。  
仙官敕六丁。雷電下取將。流落人間者。太山一豪芒。我願生兩  
翅。捕逐出八荒。精誠忽交通。百怪入我腸。刺手拔鯨尾。舉瓢酌  
天漿。騰身跨汗漫。不著織女襄。顧語地上友。經營無太忙。乞君  
飛霞珮。與我高頡頏。

寄皇甫湜

敲門驚晝睡。問報睦州吏。手把一封書。上有皇甫字。坼書放牀  
頭。涕與淚垂四昏昏。還就枕惘惘。夢相值。悲哉無奇術。安得生

兩翅

病中贈張十八

中虛得暴下。避冷臥北窗。不蹋曉鼓朝。安眠聽逢逢。籀也處閭  
里。抱能未施邦。文章自娛戲。金石日擊撞。龍文百斛鼎。筆力可  
獨扛。談舌久不掉。非君亮誰雙。扶几導之言。曲節初縱縱。半塗  
喜開鑿。派別失大江。吾欲盈其氣。不令見塵幢。牛羊滿田野。解  
旆束空扛。傾樽與斟酌。四壁堆豐缸。玄帷隔雪風。照鑪釘音明  
釭。夜闌縱捩闔。哆口疏眉厖。勢侔高陽翁。坐約齊橫降。連日挾  
所有。形軀頓臞臞。將歸乃徐謂子。言得無咤迴。軍與角逐斫。樹  
收窮。隴雌聲吐款。要酒壺。綴羊腔。君乃崑崙渠。籀乃嶺頭瀧。譬

如蟻垤微詎可陵崆峒幸願終賜之斬拔枿與椿從此識歸處  
東流水淙淙

雜詩

古史散左右詩書置後前豈殊蠹書蟲生死文字間古道自愚  
蠹古言自包纏當今固殊古誰與爲欣歡獨攜無言子共昇崑  
崙顛長風飄襟裾遂起飛高圖下視禹九州一塵集豪端遨嬉  
未云幾下已億萬年向者夸奪子萬墳厭其巔惜哉抱所見白  
黑未及分慷慨爲悲咤淚如九河翻指摘相告語雖還今誰親  
刷然下大荒被髮騎騏驎

寄崔二十六立之

西城員外丞心迹兩屈奇往歲戰詞賦不將勢力隨下驢入省  
門左右驚紛披傲兀坐試席深叢見孤雁文如翻水成初不用  
意爲四座各低面不敢捩眼窺升階揖侍郎歸舍日未款佳句  
喧眾口考官敢瑕疵連年收科第若摘領底髭迴首卿相位通  
途無他歧豈論校書郎袍笏光參差童穉見稱說祝身得如斯  
儕輩妬且熱喘如竹筒吹老婦願嫁女約不論財貲老翁不量  
分累月筭其兒攪攪爭附託無人角雄雌自往歲戰詞賦至此  
敘崔技能之高科名  
之由來人間事翻覆不可知安有巢中鷁插翅飛天陲駒麕著  
爪牙鷁鳥子駒馬子麕鹿子皆喻新進少猛虎借與皮汝頭有  
韁繫汝腳有索縻陷身泥溝闌誰復稟指撝不脫吏部選可見

偶與奇又作朝士貶得非命所施客居京城中十日營一炊逼

迫走巴蠻恩愛座上離昨來漢水頭始得完孤羈桁掛新衣裳

益棄食殘糜苟無飢寒苦那用分高卑自山來人閒事至此敘

如不憐我還好古宦途同險巇每旬遺我書竟歲無差池新篇

奚其思風幡肆逶迤又論諸毛功劈水看蛟螭雷電生睽陽角

蠱相撐披諸毛方氏以爲筆也朱子以爲必是爲毛穎傳而發

當亦贊毛穎傳之奇偉蛟螭屬我感窮景抱華不能攜倡來和

雷電等或卽來詩中語耶相報愧歎俾我疵又寄百尺綵緋紅相盛衰巧能喻其誠深淺

抽肝脾開展放我側方餐涕垂匙朋交日凋謝存者逐利移子

甯獨迷誤綴綴意益彌舉頭庭樹豁狂飈卷寒曦迢遞山水隔

人天詩少五古韓愈



何由應壘簾別來就十年君馬記駟驅長女當及事誰助出悅  
縞諸男皆秀朗幾能守家規文字銳氣在輝輝見旌麾摧腸與  
感容能復持酒卮我雖未耄老髮禿骨力羸所餘十九齒飄飄  
盡浮危玄花瞽兩眼視物隔縱橫燕席謝不詣游鞍懸莫騎敦  
敦凭書案敦敦即敦敦彼獨宿之敦謂癡坐不動也鵲彼鳥黏鵲  
自憐我還好古至此且吾聞之師不以物自縻孤豚眠糞壤不  
傲與崔交誼之厚人幾輩先騰馳過半黑頭死陰蟲食枯骨  
慕太廟犧君看一時人幾輩先騰馳過半黑頭死陰蟲食枯骨  
歡華不滿眼咎責寒兩儀觀名計之利詎足相陪梓仁者恥貪  
圖受祿量所宜無能食國惠豈異哀癯罷人欲辭謝去休令眾  
睢睢况又嬰疹疾甯保軀不貲不能前死罷內實悲神祇舊籍

齊東都茅屋枳棘籬還歸非無指  
溺渭揚春澌生兮耕吾疆死  
也埋晉陂文書自傳道不仗史筆  
垂夫子固吾黨新恩釋銜羈  
去來伊洛上相待安眾簞自且吾聞之師至此言名位不足  
有雙飲觥其銀得朱提黃金塗物象雕鐫妙工倕乃令千里鯨  
么麼微蠡斯猶能爭明月擺掉出渺瀰野草花葉細不辨蒼  
施綿綿相糾結狀似環城陴四隅芙蓉樹擢豔皆猗猗鯨月草  
皆醖上鯨以興君身失所逢百罹月以喻天道佻俛勵莫虧草  
木明覆載妍醜齊榮葵願君恆御之行止雜燧觴異日期對舉  
當如合分支自我有雙飲醖至此敘其以雙醖之一遺崔所以報百尺綵也

孟生詩

孟生江海士古貌又古心嘗讀古人書謂言古猶今作詩三百  
首窅默咸池音騎驢到京國欲和熏風琴豈識天子居九重鬱  
沈沈一門百夫守無籍不可尋晶光蕩相射旗鼓以森遷延  
乍卻走驚怪靡自任舉頭看白日泣涕下霑襟竭來遊公卿莫  
肯低華簪諒非軒冕族應對多差參萍蓬風波急桑榆日月侵  
奈何從進士此路轉峴嶽異質忌處羣孤芳難寄林誰憐松桂  
性競愛桃李陰朝悲辭樹葉夕感歸巢禽顧我多慷慨窮簷時  
覓臨清宵靜相對髮白聆苦吟採蘭起幽念眇然望東南秦吳  
修且阻兩地無數金我論徐方牧好古天下欽竹實鳳所食德  
韓神所歆求觀眾邱小必上泰山岑求觀眾流細必泛滄溟深

其聽我言可以當所箴  
既獲則思返無爲久滯淫  
卞和試三獻期子在秋礎

將歸贈孟東野房蜀客

蜀客名次卿

君門不可入勢利互相推  
借問讀書客胡爲在京師  
舉頭未能對閉眼聊自思  
倏忽十六年終朝苦寒飢  
宦途竟寥落鬢髮坐差池  
潁水清且寂箕山坦而夷  
如今便當去咄咄無自疑

答孟郊

規模背時利文字覩天巧  
人皆飲酒肉子獨不得飽  
纔春思已亂始秋悲又攪  
朝餐動及午夜諷恆至卯  
名聲暫羶腥腸肚鎮煎燭  
古心雖自鞭世路終難拗  
弱拒喜張臂猛拏閑縮爪  
見倒

誰肯扶從瞋我須齧

從仕

居閑食不足從仕力難任兩事皆害性一生恆苦心黃昏歸私室惆悵起歎音棄置人閒世古來非獨今

送劉師服

夏半陰氣始淅然雲景秋蟬聲入客耳驚起不可留草草具盤饌不待酒獻酬士生爲名累有似魚中鉤齎財入市賣貴者恆難售豈不畏顛顛爲功忌中休勉哉耘其業以待歲晚收

符讀書城南

城南公別墅符公之子孟東野有喜符郎詩有遊城南韓氏莊之作按公墓銘及登科記

公之子曰昶登長慶四年進士第符昶之小字即

木之就規矩在梓匠輪輿人之能爲人由腹有詩書詩書勸乃  
有不勤腹空虛欲知學之力賢愚同一初由其不能學所入遂  
異閭閻兩家各生子提孩巧相如少長聚嬉戲不殊同隊魚年至  
十二三頭角稍相疏二十漸乖張清溝映汙渠三十骨骼成乃  
一龍一豬飛黃騰踏去不能顧蟾蜍一爲馬前卒鞭背生蟲蛆  
一爲公與相潭潭府中居問之何因爾學與不學歟金璧雖重  
寶費用難貯儲學問藏之身身在則有餘君子與小人不繫父  
母且詩悠悠昊天曰父且語助也不見公與相起身自犁鉏不見三公後  
寒飢出無驢文章豈不貴經訓乃蓄畚潒潦無根源朝滿夕已  
除人不通古今馬牛而襟裾行身陷不義况望多名譽時秋積

雨霽新涼入郊墟燈火稍可親簡編可卷舒豈不旦夕念爲爾  
惜居諸恩義有相奪作詩勸躊躇

示爽

宣城去京國里數逾三千念汝欲別我解裝具盤筵日昏不能  
散起坐相引牽冬夜豈不長達旦燈燭然座中悉親故誰肯捨  
汝眠念汝將一身西來曾幾年名科擿眾俊州考居吏前今從  
府公召府公又時賢時輩千百人孰不謂汝妍汝來江南近里  
閭故依然昔日同戲兒看汝立路邊人生但如此其實亦可憐  
吾老世味薄因循致闇連強顏班行內何實非罪愆才短難自  
力懼終莫洗湔臨分不汝誑有路卽歸田

汝來江南近二句不可解韓公本貫在河

丙之修武又曾遷居洛陽爽自江南赴長安二處皆其經過之地或謂其過河內洛陽與里閭相近二句作一句讀耶不然則上句有訛誤耶公作女孥銘云歸骨於河南之河陽韓氏墓是河陽亦可以河南稱之洛陽則自古久稱河南妄意此句當作侯博問君子

人曰城南登高

初正候纔兆涉七氣已弄靄靄野浮陽暉暉水披凍聖朝身不廢佳節古所用親交既許來子姝亦可從盤蔬冬春雜樽酒清濁共令徵前事爲觴詠新詩送扶杖凌圯陞刺船犯枯葑戀池羣鳴迴釋嶠孤雲縱人生本坦蕩誰使妄倥偬直指桃李闌幽尋甯止重

病鵑



屋東惡水溝有鷗墮鳴悲青泥揜兩翅拍拍不得離羣童叫相  
召瓦礫爭先之計校生平事殺卻理亦宜奪攘不愧恥飽滿盤  
天嬉晴日占光景高風送追隨凌紫鳳羣官顧鴻鵠卑今者  
運命窮遭逢巧丸兒中汝要害處汝能不得施於吾乃何有不  
忍乘其危丐汝將死命浴以清水池朝餐輟魚肉瞑宿防狐狸  
自知無以致蒙德久猶疑飽入深竹叢飢來傍階基亮無責報  
心固以聽所爲昨日有氣力飛跳弄藩籬今晨忽徑去曾不報  
我知僥倖非汝福天衢汝休窺京城事彈射豎子豈易欺勿諱  
泥坑辱泥坑乃良規

讀皇甫湜公安園池詩書其後

晉人目二子其猶吹一呷區區自其下顧有掛身舌春秋誓王  
法不誅其人身爾雅注蟲魚定非磊落人湜也困公安不自閑  
窮年枉智思倚撫糞壤污穢豈有臧誠不如兩忘但以一槩量  
我有一池水蒲葦生其間蟲魚沸相嚼日夜不得閑我初往觀  
之其後益不觀觀之亂我意不如不觀完用將濟諸人捨得業  
孔顏百年詎幾時君子不可閑古本只如此一本不自閑下有  
字下有糞壤多字豈字下有必字有字下有否字又一本無必  
字否字而臧字下有不自臧字謝本窮年作至閑而注云近本增  
是八字不知所校之自語淺俗非韓文胡元  
在云我有一池已下當爲別篇恐或然也

路傍堠

堆堆路傍堠一雙復一隻迎我出秦關送我入楚澤千以高山

遮萬以遠水隔吾君勤聽治照與日月敵臣愚幸可哀臣罪庶可釋何當迎送歸綠路高歷歷

食曲河驛

驛在商鄧之間公之湖州自藍田關入商鄧將過鄧州而作

晨及曲河驛悽然自傷情羣鳥巢庭樹乳雀飛檐楹而我抱重罪予子萬里程親戚頓乖角圖史棄縱橫下負明義重上孤朝命榮殺身諒無補何用答生成

過南陽

南陽郭門外桑下麥青青行子去未已春鳩鳴不停秦商邈旣遠湖海浩將經孰忍生以感吾其寄餘齡

瀧吏

南行逾六旬始下昌樂瀧險惡不可狀船石相舂撞往問瀧頭  
吏潮州尙幾里行當何時到土風復何似瀧吏垂手笑官何問  
之愚警官居京邑何由知東吳東吳遊宦鄉官知自有由潮州  
底處所有罪乃竄流儂幸無負犯何由到而知官今行自到那  
遽妄問爲不虞卒見困汗出愧且駭吏曰聊戲官儂嘗使往罷  
嶺南大抵同官去道苦遼下此三千里有州始名潮惡溪瘴毒  
聚雷電常洶洶鱷魚大如船身眼怖殺儂州南數十里有海無  
天地颶風有時作掀簸眞差事聖人於天下於物無不容比聞  
此州囚亦有生還儂官無嫌此州固罪人所徙官當明時來事  
不待說委官不自謹慎宜卽引分往胡爲此水邊神色久懍慌

旌大併豐小所任自有宜官何不自量滿溢以取斯工農雖小  
人事業各有守不知官在朝有益國家不得無益其閒不武亦  
不文仁義飾其躬巧姦敗羣倫叩頭謝吏言始慙今更羞歷官  
二十餘國恩竝未酬凡吏之所訶嗟實煩有之不卽金木誅敢  
不識恩私潮州雖云遠雖惡不可過於身實已多敢不持自賀

贈別元十八協律六首

元十八蓋將裴行立之命以書及藥物勞公於途次者

知識久去眼吾行其既遠  
瞢瞢莫訾省默默但寢飯  
子兮何爲者冠珮立憲憲  
何氏之從學蘭蕙已滿晚  
於何翫其光以至歲向晚  
治惟尙和同無俟於謦謦  
或師絕學賢不以藝自輓  
子兮獨如何能自媚婉婉  
金石出聲音宮室發關鍵  
何人識章甫而

知駿踟躕

章甫適越不為時用駿踟躕歷險或致蹉跌二端皆惜公以自喻者識知二字則謂元能知之亮之也

乎吾無居不得聞息偃臨當背面時裁詩示繼綬

英英桂林伯

裴行立元和十二年以御史中丞為桂管觀察使伯侯伯也

實維文武特遠勞

從事賢來弔逐臣色南裔多山海道里屢紆直風波無程期所

憂動不測子行誠艱難我去未窮極臨別且何言有淚不可拭

吾友柳子厚其人藝且賢吾未識子時已覽贈子篇

子厚集有送元十八

南遊序公嘗有書與子厚謂見送元生序已覽贈子篇蓋謂是也

竊寐想風采於今已三年不

意流竄路旬日同食眠所聞昔已多所得今過前如何又須別

使我抱帽帽

勢要情所重排斥則埃塵骨肉未免然又況四海人疑疑桂林

伯矯矯義勇身生平所未識待我逾交親遺我數幅書繼以藥物珍藥物防瘴癘書勸養形神不知四罪地豈有再起辰窮途致感激肝膽還輪囷

讀書患不多思義患不明患足已不學既學患不行子今西美眞實大華亦榮王官不可闕未宜後諸生嗟我擯南海無由助飛鳴

寄書龍城守

柳子厚時守柳州也

君驥何時秣峽山逢颶風雷電助

撞捽乘潮簸扶胥近岸指一髮兩巖雖云牢木石互飛發屯門

雖云高亦映波浪沒余罪不足惜子生未宜忽胡爲不忍別感

謝情至骨

初南食貽元十八協律

蟹寶如惠文骨眼相負行蠔相黏爲山百十各自生蒲魚尾如  
蛇口眼不相營蛤卽是蝦蟇同寶浪異名章舉馬甲柱鬪以怪  
自呈其餘數十種莫不可歎驚我來禦魑魅自宜味南烹調以  
鹹與酸芼以椒與橙腥臊始發越咀吞面汗辭惟蛇舊所識實  
憚口眼猶開籠聽其去鬱屈尙不平賣爾非我罪不屠豈非情  
不祈靈珠報幸無嫌怨并聊歌以記之又以告同行

宿曾江口示姪孫湘二首

雲昏水奔流天水滌相圍三江滅無口其誰識涯圻暮宿投民  
邨高處水半扉犬雞俱上屋不復走與飛篙舟入其家暝聞屋



十八家詩金  
中唏問知歲常然哀此爲生微海風吹寒晴波揚眾星輝仰視  
北斗高不知路所歸

舟行亡故道屈曲高林間林間無所有奔流但潺潺嗟我亦拙  
謀致身落南蠻茫然失所詣無路何能還

### 答柳柳州食蝦蟇

蝦蟇雖水居水特變形貌強號爲蛙蛤於實無所校雖然兩股  
長其柰脊皴炮跳躑雖云高意不離漚淖鳴聲相呼和無理祇  
取鬧周公所不堪灑灰垂典教我棄愁海濱恆願眠不覺巨堪  
朋類多沸耳作驚爆端能敗笙磬仍工亂學校雖蒙句踐禮竟  
不聞報效大戰元鼎年孰彊孰敗橈居然當鼎味豈不辱釣罩

余初不下喉近亦能稍稍常懼染蠱夷失平生好樂而君復何  
爲甘食比秦豹獵較務同俗全身斯爲孝哀哉思慮深未見許  
迴權

別趙子

我遷於揭陽君先揭陽居揭陽去京華其里萬有餘不謂小郭  
中有子可與娛心平而行高兩通詩與書婆娑海水南簸弄明  
月珠及我遷宜春元和十四年七月己丑憲宗上尊號大赦天  
下十二月二十四日公自潮州量移袁州郡  
即宜春郡也意欲攜以俱擺頭笑且言我豈不足歟又奚爲於北往  
來以紛如海中諸山中幽子頗不無相期風濤觀已久不可渝  
又嘗疑龍蝦果誰雄身鬢蚌羸魚鼈蠹瞿瞿以狙狙識一已忘

十。大同細自殊。欲一窮究之。時歲屢謝除。今子南且北。豈非亦有闢人心。未嘗同不可一理區。宜各從所務。未用相賢惡。

除官赴闕至江州寄鄂岳李大夫

謂李程也。元利十五年九月公自袁州召拜

國子祭酒行次盆城作

盆城去鄂渚風便一日耳不枉故人書無因帆江水故人辭禮

闕旌節鎮江圻

舊史穆元利十三年四月拜禮部侍郎六月出爲鄂州刺史鄂岳觀察使程自禮閣出鎮明矣

而我竄逐者龍鍾初得歸別來已三歲望望長迢遞咫尺不相

聞平生那可計我齒落且盡君鬢白幾年皆過半百來日苦

無多少年樂新知衰暮思故友譬如親骨肉爵免相可不我替

寶愚意不能降色辭子犯亦有言臣猶自知之公其務黃過我

亦請改事桑榆儻可收願寄相思字

南山有高樹行贈李宗閔

南山有高樹花葉何衰衰上有鳳皇巢鳳皇乳且棲四旁多長  
枝羣鳥所託依黃鵠據其高眾鳥接其卑不知何山鳥羽毛有  
光輝飛飛擇所處正得眾所希上承鳳皇恩自期永不衰申與  
黃鵠羣不自隱其私下視眾鳥羣汝徒竟何爲不知挾丸子心  
默有所規彈汝枝葉間汝翅不覺摧或言由黃鵠黃鵠豈有之  
慎勿猜眾鳥眾鳥不足猜無人語鳳皇汝屈安得知黃鵠得汝  
去婆娑弄毛衣前汝下視鳥各議汝瑕疵汝豈無朋匹有口莫  
肯開汝落蒿艾閒幾時復能飛哀哀故山友中夜思汝悲路遠

翅翎短不得持汝歸

### 猛虎行

猛虎雖云惡亦各有匹儕羣行深谷間百獸望風低身食黃熊  
父子食赤豹麝擇肉於熊豹冒視兔與狸正晝當谷眠眼有百  
步威自矜無當對氣性縱以乖朝怒殺其子暮還食其妃匹儕  
四散走猛虎還孤棲狐鳴門兩旁烏鵲從噪之出逐猴入居虎  
不知所歸誰云猛虎惡中路正悲唬豹來銜其尾熊來攫其頤  
猛虎死不辭但慙前所爲虎坐無助死况如汝細微故當結以  
信親當結以私親故且不保人誰信汝爲

山南鄭相公樊貞外酬答爲詩其末咸有見及語樊封以

示愈依賦十四韻以獻

梁維西南屏山厲水刻屈稟生肖勦剛難諧在民物榮公鼎軸

老鄭餘慶封榮陽郡公烹幹力健偃帝咨汝予往耳纘前坐埤威風挾惠

氣蓋壤兩廟拂茫漫華黑閒指畫變悅歎誠既富而美章彙霍

炳蔚日延講大訓龜判錯袞黻樊子坐賓署演孔刮老佛金春

撼玉應厥臭劇蕙鬱遺我一言重臨受惕齋慄辭慳義卓闢呀

豁疚拊掘如新去町眴雷霆逼颶颶綴此豈爲訓俚言紹莊屈

奉和武相公鎮蜀時詠使宅韋太尉所養孔雀武元衡韋舉也諸本

無奉字○元衡以八年三月召還秉政其詩鎮蜀時作公詩則召還後追和也

穆穆鸞鳳友何年來止茲飄零失故態隔絕抱長思翠角高獨

金華煥相差坐蒙恩顧重畢命守階墀

感春三首

偶坐藤樹下暮春下旬間藤陰已可庇落葉還漫漫  
大瓏瓏晚花乾青天高寥寥兩蝶飛翻翻時節適當爾懷悲自無端

黃黃蕪菁花桃李事已退狂風簸枯榆狼籍九衢內春序一如此汝顏安足賴誰能駕飛車相從觀海外

屢遊百花林朱朱兼白白柳枝弱而細懸樹垂百尺左右同來人金紫貴顯劇嬌童爲我歌哀響跨箏笛豔姬踟蹰舞清眸刺劒戟心懷平生友莫一在燕席死者長眇芒生者困乖隔少年

真可喜老大百無益

早赴街西行香贈盧李二中舍人

盧行李逢吉

天街東西異祇命遂成游月明御溝曉蟬吟隄樹秋老僧情不  
薄僻寺境還幽寂寥二三子歸騎得相收

晚寄張十八助教周郎博士

張籍周況也籍字文昌時爲國子助教况娶禮部侍郎韓

雲卿之孫開封尉俞之女蓋公之從姘時爲四門博士

日薄風景曠出歸偃前檐晴雲如擘絮新月似磨鎌田野興偶  
動衣冠情久厭吾生可攜手歎息歲將淹

題張十八所居

君居泥溝上溝濁萍青青蛙灌橋未埽蟬嚶門長局名秩後千



品詩文齊六經端來問奇字爲我講聲形

奉和錢七兄曹長盆池所植

翻翻江浦荷而今生在此擢擢菰葉長  
芳根復誰徙露涵兩鮮翠風蕩相磨倚  
但取主人知誰言益盎是

南內朝賀歸呈同官

薄雲蔽秋曦清雨不成泥罷賀南內衙  
歸涼曉淒淒綠槐十二街渙散馳輪蹕  
余惟鸞書生孤身無所齋三黜竟不去  
致官九列齊豈惟一身榮珮玉冠簪犀  
滉蕩天門高著籍朝願妻文才不如人  
行又無町畦問之朝廷事略不知東西  
況於經籍深豈究端與倪君恩太山重  
不見酬稗穉所職事無多又不自提撕

明庭集孔鸞。曷取於鳬鷺。樹以松與柏。不宜間蒿藜。婉孌自媚。  
好幾時。不見擠貧食。以忘軀。越不調鹽醢。彭趙醢之意。韓法吏  
多少年。磨淬出角圭。將舉汝愆尤。以爲己階梯。收身歸關東。期  
不到死迷。

朝歸

峨峨進賢冠。耿耿水蒼珮。服章豈不好。不與德相對。顧影聽其  
聲。赧顏汗漸背。進乏犬雞效。又不勇自退。坐食取其肥。無堪等  
鷃贖。長風吹天墟。秋日萬里颺。抵暮但昏眠。不成歌慷慨。

雜詩四首

朝蠅不須驅。暮蚊不可拍。蠅蚊滿八區。可盡與相格。得時能幾

時與汝恣啖昨涼風九月到埽不見蹤迹

鵲鳴聲楂楂烏噪聲攫攫爭鬪庭宇閒持身博彈射黃鵠能忍  
飢兩翅久不擘蒼蒼雲海路歲晚將無獲

截橑爲構櫨斲楹以爲椽束蒿以代之小大不相權雖無風雨

災得不覆且顛解轡棄騏驥蹇驢鞭使前崑崙高萬里歲盡道

苦適停車臥輪下絕意於神仙

雀鳴朝營食鳩鳴暮覓羣獨有知時鶴雖鳴不緣身暗蟬終不

鳴有抱不列陳蛙黽鳴無謂閣閣祇亂人

### 讀東方朔雜事

巖巖王母宮下維萬仙家噫欠爲飄風濯手大雨沱方朔乃豎

子驕不加禁訶偷入雷電室輜輳掉狂車王母聞以笑衛官助  
呀呀不知萬萬人生身埋泥沙簸頓五山踏流漂八維蹉曰吾  
兒可憎柰此狡獪何方朔聞不喜褫身絡蛟蛇瞻相北斗柄兩  
手自相接羣仙急乃言百犯庸不科向觀睥睨處事在不可赦  
籍欲不布露言外口實謹譁王母不得已顏頤口齟嗟頷頤可  
其奏送以紫玉珂方朔不懲創挾恩更矜誇詆欺劉天子正晝  
溺殿衙一旦不辭訣攝身凌蒼霞

譴瘧鬼

漢舊儀顏頤氏有三子生而亡去爲疫鬼一居江

水是爲瘧鬼此詩首云屑屑水帝魂謝謝無餘輝

末云湛湛江水清歸居安汝妃者此也與前詩

皆有所風當是元和十三年爲刑部侍郎時作

屑屑水帝魂謝謝無餘輝如何不肖子尙奮瘧鬼威乘秋作寒

十八  
言金  
卷九  
三  
熱翁嫗所罵譏求食歐泄間不知臭穢非醫師加百毒熏灌無  
停機灸師施艾炷酷若獵火圍詛師毒口身舌作霹靂飛符師  
弄刀筆丹墨交橫揮咨汝之出門戶何巍巍祖軒而父瑱未  
沫於前徽不修其操行賤薄似汝稀豈不忝厥祖覲然不知歸  
湛湛江水清歸居安汝妃清波爲裳衣白石爲門畿呼吸明月  
光手掉芙蓉旂降集隨九歌飲芳而食菲贈汝以好辭出汝去  
莫違

示兒

始我來京師止攜一束書辛勤三十年以有此屋廬此屋豈爲  
華於我自有餘中堂高且新四時登牢蔬前榮饌賓親冠婚之

所於庭內無所有高樹八九株有藤蔓延絡之春華夏陰敷東堂  
坐見山雲風相吹噓松果連南亭外有瓜芋區西偏屋不多槐  
榆翳空虛山鳥旦夕鳴有類淵谷居主婦治北堂膳服適戚疏  
恩封高平君子孫從朝裾開門問誰來無非卿大夫不知官高  
卑玉帶懸金魚問客之所爲峩冠講唐虞酒食罷無爲綦絜以  
相娛凡此座中人十九持鈞樞又問誰與頻莫與張樊如來過  
亦無事考評道精癡蹉蹉媚學子牆屏日有徒以能問不能其  
蔽豈可祛嗟我不修飾事與庸人俱安能坐如此比肩於朝儒  
詩以示兒曹其無迷厥初

庭楸

庭楸止五株共生十步間各有藤繞之上各相鉤聯下葉各垂  
地樹顛各雲連朝日出其東我常坐西偏夕日在其西我常坐  
東邊當晝日在上我在中央間仰視何青青上不見纖穿朝暮  
無日時我且八九旋濯濯晨露香明珠何聯聯夜月來照之禱  
禱自生煙我已自頑鈍重遭五楸牽客來尙不見旨到權門前  
權門眾所趨有客動百千九牛亡一毛未在多少閒往既無可  
顧不往自可憐

翫月喜張十八員外以王六祕書至

前夕雖十五月長未滿規君來晤我時風露渺無涯浮雲散白  
石天宇開青池孤質不自憚中天爲君施翫翫夜遂久亭亭曙

將披況當今夕圓又以嘉客隨惜無酒食樂但用歌嘲爲

和李相公攝事南郊覽物與懷呈一二知舊

李逢吉也當是長慶二年

再相後作

燦燦辰角曙亭亭寒露朝川原共澄映雲日還浮飄上宰嚴祀  
事清途振華鑣圓邱峻且坦前對南山標村樹黃復綠中田稼  
何饒顧瞻想巖谷興歎倦塵囂惟彼顛瞑耆去公豈不遘爲仁  
朝自治用靜兵以銷勿憚吐捉勤可歌風雨調聖賢相遇少功  
德今宣昭

和裴僕射相公假山十一韻

裴謂裴度也度爲李逢吉所開長慶二年六月罷相爲尙

書左僕射公有此和篇及感恩言志與朝回見寄之作

寺少

五古

韓愈

五

五



公平眞愛山看山旦連夕猶嫌山在眼不得著腳歷枉語山中  
人勾我澗側石有來應公須歸必載金帛當軒乍駢羅隨勢忽  
開圻有洞若神刻有巖類天劃終朝巖洞閒歌鼓燕賓戚孰謂  
衡霍期近在王侯宅傅氏築已卑磻溪釣何激逍遙功德下不  
與事相撫樂我盛明朝於焉傲今昔

與張十八同效阮步兵一日復一夕

一日復一日一朝復一朝祇見有不如不見有所超食作前日  
味事作前日調不知久不死憫憫尙誰要富貴自繫拘貧賤亦  
煎焦俯仰未得所一世已解鑣譬如籠中鶴六翮無所搖譬如  
兔得蹏安用東西跳還看古人書復舉前人瓢未知所究竟且

作新詩詒

送諸葛覺往隨州讀書

鄴侯家多書插架三萬軸一一懸牙籤新若手未觸爲人彊記  
覽過眼不再讀偉哉羣聖文磊落載其腹行年餘五十出守數  
已六京邑有舊廬不容久食宿臺閣多官員無地寄一足我雖  
官在朝氣勢日局縮屢爲丞相言雖懇不見錄送行過澧水東  
望不轉目今子從之游學問得所欲入海觀龍魚矯翮逐黃鵠  
勉爲新詩章月寄三四幅

南溪始泛三首

榜舟南山下上上不得返幽事隨去多孰能量近遠陰沈過連

樹藏昂抵橫坂石巖肆磨礪波惡厭牽挽或倚偏岸漁竟就平  
洲飯點點暮雨飄梢梢新月偃餘年懷無幾休日愴已晚自是  
病使然非由取高蹇

南溪亦清駛而無機與舟山農驚見之隨我觀不休不惟兒童  
輩或有杖白頭饋我籠中瓜勸我此淹畱我云以病歸此已頗  
自由幸有用餘俸置居在西疇園倉米穀滿未有旦夕憂上去  
無得得下來亦悠悠但恐煩里閭時有緩急投願爲同社人雞  
豚燕春秋

足弱不能步自宜收朝蹟羸形可興致佳觀安可擲卽此南坂  
下久聞有水石挖丹入其閒溪流正清激隨波吾未能峻瀨乍

可刺鷺起若導吾前飛數十尺亭亭柳帶沙團團松冠壁歸時  
還盡夜誰謂非事役

聯句

城南聯句

竹影金瑣碎郊泉音玉淙琤瑠璃翦木葉愈翡翠開園英流滑

隨仄步郊搜尋得深行遙岑出寸碧愈遠目增雙明乾穠紛挂

地郊化蟲枯掘莖木腐或垂耳愈草珠競駢晴浮虛有新剝郊

摧抗饒孤撐囚飛黏網動愈盜啁接彈驚脫實自開圻郊牽柔

誰繞縈禮鼠拱而立愈駭牛躅且鳴蔬甲喜臨社郊田毛樂寬

征露螢不自暖愈凍蝶尙思輕宿羽有先曉郊食鱗時半橫菱

詩少  
卷七  
五古  
韓愈

翻紫角利愈荷折碧圓傾楚膩鱸鮓亂郊獠羞螺蟹并桑螵見

虛指愈穴貍聞鬪獠逗翳翅相築郊擺幽尾交榜蛇蔓涎角

出縮愈也○樹啄頭敲鏗原木修箭裏金餌郊羣鮮沸池羹

也魚岸鼓圻玄兆愈也○蟲野麤漸豐萌麥審煙囂疏島郊沙篆印

迴平有平者地之平處也如華山痒肌遭蚝刺愈嗽耳聞雞生奇

慮恣迴轉郊遐晞縱逢迎巔林戢遠睫愈縹氣夷空情歸迹歸

不得郊捨心捨還爭靈麻撮狗蝨愈胡麻村穉唬禽猩兒如

猩紅皺曬檐瓦郊黃團繫門衡瓜得雋蠅虎健愈相殘雀豹

趙東枯樵指禿郊刈熟擔肩頰澀旋皮卷愈○卷擱不舒苦

開腹彭亨機春潺湲力郊○水吹簸飄緇精養饌木盤簇愈散

妖藤索絳

自首至此雜敘城南所見景物

荒學五六卷

郊

古藏四三塋里儒拳

足拜愈

土怪閃眸偵蹕道補復破

郊

絲窠埽還成暮堂蝙蝠沸

愈破竈伊威盈

追此訊前主

郊

答云皆冢卿敗壁剝寒月愈折

篁嘯遺笙桂熏霏霏在

郊

綦迹微微呈劍石猶竦檻愈獸材尙

挈楹寶唾拾未盡

郊

玉嘒墮猶鏤窗綃疑闕豔愈妝燭已銷檠

綠髮抽珉贅

郊○綠髮細草也

青膚簪瑤楨

青膚皆也

白蛾飛舞地愈幽蠹

落書棚

自荒學五六卷至此敘荒郊塋域淒涼之狀

惟昔集嘉詠郊吐芳類鳴嚶窺

奇摘海翼

愈

恣韻激天鯨腸胃繞萬象郊精神驅五兵蜀雄李

杜拔

愈

嶽力雷車轟大句幹玄造郊高言軋霄崢芒端轉寒燠

愈神助

愈

溢杯觥巨細各乘運郊湍濶亦騰聲凌花咀粉藥愈削

縷穿珠櫻綺語洗晴雪郊嬌辭弄雛鸞酣歡雜弁珥愈繁價流

金瓊茜舊寫江調郊菱蕤綴藍瑛菱蕤玉竹也藍瑛田之玉也庖霜膾玄鯽

愈浙玉炊香稷朝饌已百態郊春醪又千名哀匏蹙駛景愈列

唱凝餘晶餘晶日光也凝猶過也謂其聲能過日光使不動也解魄不自主郊痺肌坐空

瞠扳援賤蹊絕愈炫曜仙選更繁巧競採笑郊駢鮮互探嬰桑

變忽蕪蔓愈樟裁浪登丁霞鬬詎能極郊風期誰復賡集自維昔

至此言城南乃昔日文人詞客遊詠宴集之地今無復往時雲霞之興風期之盛矣皋區扶帝壤愈瓌縝

郁天京祥色被文彥郊良才插杉桲隱伏饒氣象愈興潛示堆

坑壁華露神物郊擁終儲地禎此上訐謨壯締始愈輔弼登階

清空秀恣填塞郊呀靈滴渟澄益大聯漢魏愈肇初邁周羸積

照涵德鏡

郊

傳經儷金籙食家行鼎脔

愈

寵族飫弓旌弈制盡

從賜

郊

殊私得逾程

此上

飛橋上架漢

愈

綠岸俯規瀛瀛碧遠

輸委

郊○

湖嵌費攜擎

湖嵌

荷昔從大漠

愈

楓楮至南荆嘉

植鮮危朽

郊

膏理易滋榮懸長巧紐翠

愈

象曲善攢珎魚口星

浮沒

郊

馬毛錦斑駁五方亂風土

愈

百種分鉏耕葩蘗相妍出

郊菲葺

共

舒晴類招臻侑詭

愈

翼萃伏衿纓危望跨飛動

郊

冥

升躡登閼

此上

春游轢霍靡

愈

彩伴風嫫嫫遺燦飄的皪郊淑

顏洞精誠嬌應如在寤

愈

頽意若含醞鵷毳翔衣帶

郊

鵝肪截

佩璜文昇相照灼

愈

武勝屠獍獍割錦不酬價

郊

構雲有高營

此上通波物鱗介

愈

疏晚富蕭蕭買養馴孔翠

郊

遠苞樹樵枿

治遊

郊

詩少

愈

卷九

五

詩

愈

詩

愈

詩

愈

詩

愈

詩

愈



鴻頭排刺芙蓉愈鵠鵠攢環橙自皋區扶帝壤至此歷敘土壤之  
盛驚廣雜良牧郊蒙休賴先盟罷旄奉環衛愈守封踐忠貞戰  
服脫明介郊朝冠飄彩紵勳逮僮隸愈簪笏自懷綳乳下秀  
凝凝郊椒著泣皇皇貌鑑潯溢愈倅光寒發剛館儒養經史  
郊綴戚觴孫甥考鍾饋肴核愈夏鼓有牢牲飛膳自北下郊面  
珍極東烹如瓜煮大明愈比綠茹芳菁海嶽銷口腹郊趙燕錫  
姑姪一笑釋仇恨愈百金交弟兄貨至貂戎市郊呼傳鸚鵡令  
順居無鬼瞰愈抑橫免官評自鵠廣維良牧至此殺侯肆凌翦  
郊籠原市置紉羽空顛雉鷁愈血路迸狐麋折足去蹉蹌郊煙  
善怒蠶蠶躍犬疾齧鳥愈呀罵甚飢童算蹏計功賞郊裂腦擒

控振猛獎牛馬樂愈妖殘梟鴟悍窟窮尙瞋郊視郊箭出方驚拜

連箱載已實愈礙轍棄仍羸喘覷鋒刀點郊困衝株杵盲埽淨

豁曠曠愈騁遙略萃萃餽我飽活鱗郊惡嚼郊腥自腥自候候肆

之樂射獵歲律及郊至愈古音命韶韻旗旆流日月郊帳廬扶棟

豐籍落奠鴻璧愈參差席香蔓玄祇祉兆姓郊黑租饒豐盛慶

流蠲瘞癘愈威暢捐輶輶靈燔望高問郊龍駕聞敲颺是惟禮

之盛愈永用表其宏德孕厚生植郊恩熙完刑自京自歲律及郊

禮之宅土靈華族愈運田間疆吐陸庾森嶺郊檜郊啄場郊祥鳴

畦肥翦韭愈陶固收盆蠶利養積餘健郊孝思事嚴祊掘雲

破帶愈採月流坳泓寺砌上明鏡郊僧盂敲曉鉦泥像對騁

人天愈五古愈詩愈卷

怪愈鐵鐘孤春鐘瘦頸開鳩郊婉垣亂蝶多黑老蠶愈

麥黃韻鵬鵬韶曙遲勝賞郊賢朋戒先庚馳門填偈愈灰愈競聖

展水碎續紅滿杏郊稠凝碧浮陽賦細觀娥愈髮愈益愈美女

為秋千歲者亦關草擷璣粉汗澤廣額郊金星墮連環愈儉

遊寺所見也關草擷璣粉汗澤廣額郊金星墮連環愈儉

困淑郁愈眼聖強目愈自宅土盡華族至此敘民居是節飽顏

色郊茲疆稱都城書饒聲魚愈滿愈紀聖播琴箏奚必事遠郊鄴

無端逐羈儉將身親魁愈浮迹侶鷗鵠腥味空奠屈郊天年

徒羨彭驚魂見蛇引愈觸喚值蝦蟇幸得履中氣郊忝從排天

棖歸私暫休暇愈驅明出岸鬢鮮意疎輕暢郊連輝照瓊瑩陶

暄逐風乙愈躍視舞晴蜻足勝自多詣郊心貪敵無勅始知樂

名教愈何用苦拘備畢景在詩趣郊焉能守堅壁愈

會合聯句

離別言無期會合意彌重籍病添兒女戀老喪丈夫勇愈劍心

知未死詩思猶孤聳郊愁去劇箭飛謹來若泉涌微析言多新

真攄抱無昔壅籍念難須勤追悔易勿輕踵愈○謂念往時之

易吟巴山犖嶭說楚波堆壟郊馬辭虎豹怒舟出蛟鼉恐微狂

鯨時孤軒幽狹雜百種愈瘴衣常腥膩蠻器多疏冗籍剝苔弔

斑林二妃角飯餌沈塚愈○屈忽爾銜遠命歸歟舞新龍郊鬼

窟脫幽妖天居覲清棋愈京遊步方振謫夢意猶恟籍○自念

至此敘韓公以言事謫貶陽山還朝為國子博士詩書誇舊知

鄭籍微三人皆在弟子之列詩意仍以韓公為主

酒食接新奉

愈

嘉言寫清越

病失

肱腫郊夏陰偶高庇宵魄

接虛擁

愈

雪絃寂寂聽茗盃

纖纖捧

郊馳輝燭浮螢幽響泄潛

葢

愈

詩老獨何心江疾有餘虺

郊

我家本漚穀有地介皋陂休

迹憶沈冥峨冠慙闢

愈

升朝高轡逸振物羣聽棟徒言濯幽

泌誰與雜荒茸

籍

朝紳鬱青綠馬飾曜珪珙國讐未銷鑠我志

蕩邛隴

郊

君才誠個儻時論方洵溶格言多彪蔚懸解無枯琴

張生得淵源寒色拔山豕堅如撞羣金眇若抽獨蛹

愈

所擬跛鼈詎能踊塊然墮岳后飄爾罵巢毼

郊

龍旆垂天衛雲

韶凝禁甬君胡眠安然朝鼓聲洶洶

愈

鬪雞聯句

大雞昂然來小雞竦而待愈崢嶸顯盛氣洗刷凝鮮彩郊高行

若矜豪側睨如何殆愈精光目相射劍戟心獨在郊既取冠爲

冑復以距爲鏃天時得清寒地利挾爽塏愈磔毛各噤痒怒瘦

爭礮鎗俄臆忽爾低植立警而改郊膈膊戰聲喧續翻落羽確

中休事未決小挫勢益倍愈妬腸務生敵賊性專相醢裂血失

鳴聲啄殷甚飢餒郊對起何急驚隨旋誠巧給毒手飽李陽神

槌困朱亥愈惻心我以仁碎首爾何罪獨勝事有然旁驚汗流

浼郊知雄心動顏怯負愁看貽爭觀雲填道助叫波翻海愈事

爪深難解漢書蒯通傳事公之腹中爲工記蓄不離註蓄

萬又云春有以割耜然則事判舊三字曠晴時未怠一噴一醒

音義皆同皆謂物之深入而植立也

然再接再礪乃郊頭垂碎丹砂翼搗拖錦綵連軒尚賈餘清厲  
比歸凱愈選俊感收毛受恩慙始隗英心甘鬪死義肉恥庖宰  
君看鬪雞篇短韻有可採郊

納涼聯句

遙嘯取遙風微微近秋朔郊金柔氣尚低火老候愈渴熙熙炎  
光流竦竦高雲擢愈閃紅驚蚺虬凝赤聳山嶽目林恐焚燒耳  
井憶灑潏仰懼失交泰非時結冰雹化鄧渴且多奔河誠已懣  
喝道者誰子叩商者何樂洗矣得滂沱感然鳴驚驚嘉願苟未  
從前心空緬邈清砌千迴坐冷環再三握煩懷卻醒醒高意還  
卓卓郊龍沈劇煮鱗牛喘甚焚角蟬煩鳴轉喝鳥噪飢不啄豔

蠅食案繁宵蚋肌血渥單絺厭已褫長箋倦還捉

以上皆敘煩  
熱之狀以下

乃敘納涼之事

幸茲得佳朋於此蔭華楸青熒文簾施淡澈甘瓜濯大

壁曠凝淨古畫奇駿犖淒如扛寒門皓若攢玉璞瑋寬延鮮飈  
汲冷積香稱篋寶摘林珍盤肴饋禽鰾空堂喜淹醕貧饌羞齏  
齏愈殷勤相勸勉左右加薦斲買勇發霜栴爭前曜冰漿微然  
草根響先被詩情覺感衰悲舊改工異遲新兒誰言擯朋老猶  
自將心學危檐不敢憑朽机懼傾撲青雲路難近黃鶴足仍鋌  
未能飲淵泉立滯叫芳藥郊與子昔睽離嗟余苦屯剝直道敗  
邪徑拙謀傷巧詠炎湖度氛氲熱后行犖碯飢憂尤甚瘡渴  
秋更數君顏不可覩君手無由搦今來沐新恩庶見返鴻朴儒



庠恣游息聖籙飽商摧危行無低徊正言免咿喔車馬獲同驅  
酒醪欣共軟音惟憂棄營蒯敢望侍帷幄此志且何如希君爲  
追琢愈

秋雨聯句

萬木聲號呼百川氣交會郊庭翻樹離合牖變景明藹愈泓瀉  
殊未終飛浮亦云泰郊牽懷到空山屬聽邇驚瀨愈檐垂白練  
直渠漲清湘大郊甘津澤祥禾伏潤肥荒艾愈主人吟有歡客  
子歌無奈郊侵陽日沈玄剝節風搜兒愈坎北遊峽喧颼颼臥  
江汰郊微飄來枕前高灑自天外愈蜚穴何迫迤蟬枝埽鳴噦  
援菊茂新芳援或作園逕蘭銷晚酌愈地鏡時昏曉池星競漂汴

郊謹吸尋一聲灌注咽羣鱗愈儒宮煙火溼市舍煎熬忼郊臥

冷空避門衣寒屢循帶愈水怒已倒流陰繁恐凝害郊憂魚思

舟機感禹勤愈懷襄信可畏疏決須有賴郊遂命或馮謖

卜晴將問蔡愈庭商忽驚舞墉榮亦親酌郊氛醺稍疏映雪亂

還擁愈薄也氣醺愈謂雲氣稍陰旌時摻流帝鼓鎮愈儲愈陰

謂雲氣如旌旆摻流愈棗圃落青瓊瓜畦爛文具貧薪不燭愈富

粟空填愈秦俗動言利魯儒欲何愈比也魯儒二公以魯兩生自

可愈貨深路倒羸愈途擁行軼毛羽皆遭凍離徒不能愈翻

浪洗虛空傾濤敗藏蓋郊吾人猶在陳僮僕誠自鄙因思征蜀

士未免溼戎旆安得發商飈廓然吹宿靄白日懸大野幽泥化

五古 韓愈

輕璫戰場暫一乾賊肉行可膾愈搜心思有效抽策期稱最豈  
惟慮收穫亦以救顛沛郊禽情初嘯傳礎色微收需庶幾諧我  
願遂止無已太愈

### 征蜀聯句

日王忿違傲有命事誅拔蜀險豁關防秦師縱橫猾愈風旗而  
地揚雷鼓轟天殺竹兵彼皴脆鐵刃我鎗鹹郊刑神陀犂旄陰  
燄颭犀札翻霓紛偃蹇塞野瀕垓北愈生猥競掣跌癡突爭填  
軋渴鬪信兀叟噉茲何嗅嚼郊更呼相鏖蕩交斫雙缺齧火發  
激鋸腥血漂騰足滑愈飛猱無整陣翩鵠有耶戛江倒沸鯨鯢  
山搖潰獮狻郊中離分二三外變迷七八逆頸盡微索仇頭恣

髡怒鬚猶擊鬻斷臂仍瓢瓠愈石潛設奇伏穴覷騁精察中

矢類妖慘跳鋒狀驚豹躡聚林嶺斗起成埃坵郊旆亡多空

扛軸折鮮聯轄剝膚浹瘡瘻敗面碎剝割渾奔肆狂勦捷竄脫

趨黠巖鉤踔狙猿水泚雜鱸蠍投奔開碯瞻戰石也瞻瞻者石

石之填隍倖倖愈彊睛死不閉獷眼困愈眩熱堞熇歆熇聲

門呀拗闖城之聲聲其城也挾門敗其門也熇歆焚天刀封未圻

酋膽懾前揜跽梁排郁縮闕竄楔窟竅迫脅間雜驅咿咿冤

跣郊窮區指清夷兇部坐雕鍛邛文裁斐鹽巴豔收娼媼椎肥

牛呼牟載實駝鳴圖聖靈閔頑歸肅養均草蔡下書遏雄虢過

無多殺也解罪弔孿愈戰血時銷洗劒霜夜清刮漢棧罷歸

闕

漢機罷闕者謂自秦至

獠江息澎汜戍寒絕朝乘刀暗歇

宵警始去杏飛蜂及歸柳嘶蜚廟獻繁馘級樂聲洞控榻郊臺

圖煥丹玄郊告儼匏稽念齒慰徽纈視傷悼癢痍休輸任訛寢

報力厚麩秬公歡鐘晨撞室宴絲曉拊盃盃酬酒醪箱篋饋巾

味小臣昧戎經維用贊勳勅愈

同宿聯句

自從別君來遠出遭巧譖愈班班落春淚浩浩浮秋浸郊毛奇

覩象犀羽怪見鵬鳩愈朝行多危棧夜臥饒驚枕郊生榮今分

踰死棄昔情任愈鴈行參綺陌雞唱聞清禁郊山晴指高標槐

密驚長蔭愈直辭一以薦巧舌千皆吟郊牛舌病也匡鼎惟說

詩桓譚不讀讖愈逸韻何嘈嗽高名俟沽賃郊紛葩歡屢填曠  
朗憂早滲愈爲君開酒腸顛倒舞相飲郊曦光霽曙物景曜鑠  
宵祓愈儒門雖大啟姦首不敢闢義泉雖至近盜索不敢沁清  
琴試一揮白鶴叫相暗欲知心同樂雙鷺拙作紅郊

雨中寄孟刑部幾道聯句

秋潦淹轍迹高居限參拜愈耿耿蓄良思遙遙仰嘉話郊一晨  
長隔歲百步遠殊界愈商聽饒清聳悶懷空扣臆郊美君知道  
睽逸步謝天械愈吟馨鑠紛雜抱照瑩疑怪郊撞宏聲不掉輪  
邈瀾逾殺愈檐瀉碎江喧街流淺溪邁郊念初相遭逢幸免因  
媒介祛煩類決癰慙興劇爬疥研文較幽玄呼博騁雄快今君

一  
言金  
名  
輅方馳伊我羽已鍛溫存感惠深琢切奉明誠愈迫茲更凝情  
暫阻若嬰瘳欲知相從盡靈珀拾纖芥欲知相益多神藥銷宿  
億德符仙山岸永立難欹壤氣涵秋天河有朗無驚湃郊祥鳳  
遺蒿鷄雲韶掩夷秣爭名求鵠徒騰口甚蟬喝未來聲已赫始  
鼓敵前敗鬪場再鳴先遯路一飛屈東野繼奇躅修綸懸眾牯  
戒音穿空細邱垤照日陋營崩愈小生何足道積愼如觸蠶愔愔  
抱所諾翼翼自申戒聖書空勘讀盜食敢求嘜惟當騎款段豈  
望覲珪玠弱操愧筠杉微芳比蕭薤何以驗高明柔中有剛丈  
郊

遠遊聯句

遠遊送東野之江南也公嘗有送東野序云東  
野之役於江南此所謂遠遊者亦其時歟公與

東野共三十九韻李翱惟一聯莫知其故習之詩見  
于世者此而已大率詩非其所長也劉賈父云唐時文  
人李習之不能為詩聯句云云殊無可取○遠遊名篇  
祖屈原也相如大人賦由遠遊發也自後劉向九歎曹  
子建樂府皆有遠遊篇然屈原相如則兼四方上下而  
言之公聯此詩以送東野所序只江南事大抵事意與  
大人賦九歎相同

別腸車輪轉

一日一萬周

離思春冰泮  
瀾漫不可收  
愈馳光

忽以迫飛轡誰能留

郊

取之詎灼灼此去信悠悠  
楚客宿江

上夜魂棲浪頭曉日生  
遠岸水芳綴孤舟  
村飲泊好木野蔬拾

新柔獨含悽悽別中結  
鬱鬱愁人憶舊行  
樂鳥吟新得儔郊靈

瑟時窅窅零猿夜啾啾  
憤濤氣尚盛恨竹淚  
空幽長懷絕無已

多感良自尤  
卽路涉獻歲歸期眇  
涼秋兩歡日牢落孤  
悲坐綢



繆愈觀怪忽蕩漾叩奇獨冥搜海鯨吞明月浪島沒大漚我有  
一寸鉤欲釣千丈流良知忽然遠壯志鬱無抽郊魍魅暫出沒  
蛟螭互蟠踞昌言拜舜禹舉颿凌斗牛懷精餽賢屈乘桴追聖  
邱飄然天外步豈有區中囚愈楚些待誰弔賈辭緘恨投瞿明  
弗可曉祕魂安所求氣壽放逐域蓼雜芳菲疇當春忽淒涼不  
枯亦颼颼貉諸眾猥欵巴語相咍嘲默誓去外俗嘉願還中州  
江生行既樂躬輦自相勸音飲音醕趣明代味腥謝荒陬郊馳深  
鼓利楫趨險驚蜚輶繫石沈靳尙開弓射鴈投路暗執屏翳波  
驚戮陽侯廣泛信縹渺高行恣浮游外患蕭蕭去中悒稍稍瘳  
振衣造雲闕跪坐陳清猷德風變讒巧仁氣銷戈矛名聲照四

海淑問無時休歸哉孟夫子歸去無夷猶愈

晚秋鄆城夜會聯句

元和十二年七月以裴度守門下侍郎同平章事充淮西宣慰處置使以

韓愈兼御史中丞充行軍司馬以李正封兼侍御史爲判官從度出征詔以鄆城爲行蔡州治所此篇公與正封作於鄆城几百餘韻東野死後公所與聯句者惟此可見耳洪慶善曰舊本註云正封上中丞中丞卽退之愈奉院長院長卽正封也其稱王盧繆矣按鄆城今潁昌府

從軍古云樂談笑青油幕燈明夜觀棊月暗秋城柝正封上羈

客方寂歷驚鳥時落泊語闌壯氣衰酒醒寒砧作愈奉遇主貴

陳力夷凶匪兼弱百牢犒與師千戶購首惡正封平生恥論兵未

暮不輕諾徒然感恩義誰復論勳爵愈多士被沾汚小夷施毒

藹何當鑄劒戟相與歸臺閣正封室婦歎鳴鶴家人祝喜鵲終朝

考著龜何日親烝祐愈聞使斷津梁潛軍索林薄紅塵羽書靖

大水沙囊涸正銘山子所工插羽余何忤未足煩刀俎祇應輸

管鑰愈雨矢逐天狼電矛驅海若靈誅固無縱力戰誰敢卻正

峨峨雲梯翔赫赫火箭著連空隳雉堞照夜焚城郭愈軍門宣

一令廟算建三略雷鼓揭千槍浮橋交萬筏正蹂野馬雲騰映

原旗火鑠疲氓墜將拯殘虜狂可縛愈摧鋒若驅兕超乘如猱

獍逢掖服翻慚漫胡纓可愕正星殞聞雉雉師興隨唳鶴虎豹

貪犬牛鷹鷂憎烏雀愈燒陂除積聚灌壘失依托憑軾諭昏迷

執爰征暴虐正倉空戰卒飢月黑探兵錯兇徒更蹈藉逆族相

啗愈軸轡互淮泗旆旌連夏鄂大野縱民羌長河浴駟駟正

東西競角逐遠近施繒繳人怨童聚謠天殃鬼行瘡愈漢刑支

郡黜周制閑田削侯社退無功鬼薪懲不恪封正余雖司斧鑕情

本尙邱壑旦待獻俘因終當返耕穫愈藁街陳鈇鉞桃塞興錢

鋪地理畫封疆天文埽寥廓封正天子憫瘡痍將軍禁鹵掠策勳

封龍頷歸獸獲麟脰愈詰誅敬王怒給復哀民瘼澤髮解兜牟

酤顏傾鑿落正封○鑿落飲器白樂天詩銀杯傾鑿落安存惟恐晚洗雪不論昨暮

烏已安巢春蠶看滿箔愈聲明動朝闕光寵耀京洛旁午降絲

綸中堅擁鼓鐸封正密坐列珠翠高門塗粉艘跋朝賀書飛塞路

歸鞍躍愈魏闕橫雲漢秦關東巖粵拜迎羅囊韉問遺結囊藁

封正江淮永清晏宇宙重開拓是日號昇平此年名作噩愈洪赦

方下究武廳亦旁魄南據定蠻陬北攬空胡漠正儒生愜教化

武士猛刺斫吾相兩優游他人雙落莫愈印從負鼎佩門爲登

壇鑿再入更顯嚴九遷彌響謬正寶筵盡狐趙導騎多衛霍國

史擅芬芳宮娃分綽約愈丹掖列鵷鷺洪鑪衣狐貉摛文揮月

毫講劒淬霜鏑正命衣備藻火賜樂兼拊搏兩廂鋪翟瑜五鼎

調勺藥愈帶垂蒼玉佩轡蹙黃金絡誘接謂登龍趨馳狀傾藿

正青娥翳長袖紅頰吹鳴籥儻不忍辛勤何由恣歡謔愈惟當

早貴富豈得躔寂寞但擲雇笑金仍祈卻老藥正歿廟配饒筆

生堂合馨鑄爾雅大馨謂之鑄亦名鏞安行庇松篁高臥枕莞蒹愈

洗沐恣蘭芷制烹厭脾臄喜顏非忸怩達志無限稷正封○自

殿至此皆敘裴相破賊還京後遷官宴客之事似非事前所作

之詩而篇末雪下收新息亦非事前語豈在郾城時作此詩還

朝後更潤諛諧酒席展慷慨戎裝著斬馬祭旄纛魚羔禮芒屨

色之耶愈山多雅隱豹野有求伸螻推選閱羣材薦延搜一鶚封左右

供諂譽親交獻諛名聲載揄揚權勢竇熏灼愈道舊生感激

當歌發酬酢羣孫輕綺紵下客豐醴酪封窮天貢琛異雨海賜

酺曠作樂鼓還搥從禽司何曠愈取歡移日飲求勝通宵博五

白氣爭呼六奇心運度封恩澤誠布漢歸頑已簫勺告成上云

亭考古垂矩矱愈前堂清夜吹東第良晨酌池蓮折秋房院竹

翻夏籜封五狩朝恆岱三畋宿楊柞農書乍討論馬法長懸格

愈雪下收新息陽生過京索爾牛時寢訛我僕或歌詈封帝載

八家詩鈔 卷九  
彌天地臣辭劣螢爛爲詩安能詳庶用存糟粕  
愈

八家詩鈔卷九

善化黃維申襲校